

Dikeletso Tsa Gabariele Ho Daniele



Morena a o hlohonolofatse, moena. Dumelang, metswalle. Ho tjhesa haholo, ho ba kahara tabernakele hoseng hona, empa ho babatseha haholo ho ba mona. Ke thabo ha re kgonne—re kgonne ho kena kahare bakeng sa tshebeletso ena. Mme re tsebisitse hore ke tla hlahloba jwale taba ena ya *Diveke Tse Mashome A Supileng Tsa Daniele*. Hoo ho tlamahanya ntho tsohle Molaetsa pele nka kgona—kgona ho tswella ka Ditiiso tse Supileng. E leng, Ditiiso tse Supileng; Dikotlo tse Supileng; Diterompeta tse Supileng; Dikotsi tse Tharo; mosadi letsatsing; ho lelekwa ha Diabolosi e kgubedu; ho tshwauwa ha ba dikete tse lekgolo le mashome a mane a metso e mene; tsena tsohle di etsahala pakeng tsa nako ena. Mme ke ile ka nahana hore ke kenyenya taba ena pele.

² Jwale, ho a tjhesa. Ha re a ikemisetsa ho dula nako e telele haholo, kamoo re ka kgongang feela. Mme sena ke sehla, seo ka tlwaelo, sehla sa phomolo, moo batho ba sa tshwareng kereke hangata. Mme, haholo-holo, mme kaofela ha bona ba na le diphaposi tse kentsweng taolo ya moya, le tse jwalo, moo ho leng monate. Eka re ka be re e-na le hono, empa nakong ena ha re na yona.

³ Bongata ba baholo-holo ba rona ba ne ba dula ntle letsatsing le tjhesang. Ha ke nahana ka ho kopa tshwarelo ho batho ka ho hloka phaposi e kentsweng taolo e phodisang moya, mehopolo yaka kamehla e kgutlela morao Afrika moo ba ne ba robetse mono difefong tseo, mme basadi bao meriri ya bona e lepeletse sefahlehong sa bona, ba robale mono motsheare le bosiu, ba sa suthe setsheng seo ba robetseng ho sona; ba sa je, ho nwa, kapa le letho, ho dula mono feela ho tshwara Lentswe, kapa a mabedi, nako le nako, la Morena.

⁴ Ke nahana ka Mexico ho tjhesang hona hoo, ka botshepehi, ke ne ke dutse ka phaposing e kentsweng morero o phodisang moya mme le nna ke leka ho iphodisa ka bona, ho ne ho tjhesa hona. Le ho bona batho bao ba fihla mono ka hora ya borobong hoseng, ka hara arena e kgolohadi eo, mme ho se ditulo, ho dula fatshe. Batho ba kulang, ba kulang ruri, ba eshwa, ba kula; mofetshe, lethopa; le bomme ba kulang, maseanyana a shwang, le ntho ka nngwe, ho ema hantle mono tsatsing leo le tjhesang ho bedisang, ho se moriti kae kapa kae, haese ho itshetleha feela e mong ka e mong ho tloha ka hora ya robong hoseng ho ya ho robong bosiung boo, e le feela ho mamela metsotso e mashome a mararo ka toloko, le ho bona mesebetsi ya Morena. Ho dula mono le ho lebella, ho aperwe diaparohadi tse boima, ba di apara mariha le lehlabula. Ke phetho seo ba nang le sona.

⁵ Mme ke nto nahana ka ho robala mono dikgweng tseo, kamoo ba ne ba tlisa batho bao ba kulang, ba sa kgone le ho sisinyeha. Le India, moo ba ne ba hatellana, ba nto robala hodima eo, e mong hodima eo, ka tsela eo, ka lepera le malwetse; moo ba neng ba ba hulanya, le ka ntle diterateng, le ho ba robatsa motjhesong oo, o bedisang, wa matsatsi a tropiki. Difefong, le lehadima le tsekema, le dintho tse kang tseo, ba ne ba robala mono hantle letsatsing le sefefong, le nthong e nngwe le e nngwe, ntle le ho tloha kapa ho tletleba, feela... le ho leka ho tshwara Lentswe la Modimo, nako le nako, ntho e itseng bakeng sa moyo wa bona. Ebe hobaneng nka tshwanela ho kopa tshwarelo hoseng hoo, ka marulelo hodima hlooho tsa rona, difene di foka? Re tshwanetse ho swaba ha e re tletlebisa.

⁶ Ha se kgale haholo ke a hopola, sehleke-hlekeng, ho se seng sa dihleke-hleke kwana South Seas, ke ne ke tshwere tshebeletso mono bosiu boo. Mme, oh, ha tsoha sekgohola. Oh, ha ke eso bone sekgohola se jwalo, ho hadima lehadima le leng ka mora le leng feela, le bonesa naha. Le kamoo meya e fokileng ho fihlela dificate di rapame fatshe. Ka re, “Tjhe, ba... nka mpa ka hlobola sutu ya ka, hoba ho ke ke ha ba le motho mono.”

⁷ Metsotsong e mmalwa koloinyana ya tjhetjhella monyako, mme motho a kokota monyako, a itokiseditse ho tsamaya.

Mme ka re ho moshanyana, a kgona ho bua Senyesemane, ka re, “Ho na le motho tlase moo?”

Ha thwe, “O ke ke wa fihla boholeng ba boloko ba motse ba sebaka seo,” pakeng e kgolo ya bolo.

Mme ka re, “O re batho ba—ba tswetse mono ka mokgwa oo,” ka re, “hara sekgohola sena sohle?”

Ba itse, “Ba batla ho utlwa tsa Modimo.”

⁸ Mme—mme ka baka leo ka theohela mono. Mme ho e-na le mafumahadi, dikgarebe, bana ba dilemong tsa leshome, ba sa keketeho le ho tsheha, le ho budula tjhapisi, mme ba bua ka bahlankana ba bona. Lentswe ka leng, ba itshwarella ka Lona; homme ntle le ho sisinyeha, ha e se ho dula feela le ho mamela. Bitsa aletare, bitsa aletare feela, mme dikete tsa phahama, dikeledi di tsholoha mahlong a bona jwalo, matsoho a bona a lebisitswe ho Modimo, ba batlela meya ya bona mohau, banana le bashanova, leshome le metso e supileng, dilemo tse leshome le metso e robedi. Jwale ho batla ho le boima ho batho ba hodileng ho mamela, le a bona. Ho—ho bontsha ha re se na letho leo re ka dumadumang ka lona. Ho bokwe Modimo! E, monghadi.

⁹ Re lakatsa ho e tshwara sejwale-jwale jwaloka Amerika yohle, empa ha re e fumane jwalo; ka baka leo re tla sebetsa feela ka seo re se tshwereng.

¹⁰ Jwale, ke na le nthwana eo ke e hlokomseng eo ke lakatsang ho e etsa mona tabernakeleng hape. Ke ba bakae ba tshwereng Dibebele, phahamisa letsoho la hao. Ho lokile. A re phetleng ho Pesalema ya 99 pele re rapela. Re ne re tlwaetse ho etsa hona, Moena Neville, dilemong tse fetileng. Ha ke tsebe ha eba... Na le badile Pesalema hoseng hoo? [Moena Neville o re, "Tjhe."—Mong.] Tjhe. Ke rata feela ho etsa jwalo, ke hore phutheho, ho bala Pesalema ho se hokae.

¹¹ Hoseng hona, ke sa dutse ka phaposing ya ka ya ho balla, ke nahanisisa ka Molaetsa wona le Lentswe, ke ile ka nahana, "O a tseba, ho ka ba ho tle hape hore—hore ba bale Pesalema. Ke ho rata haholo."

Lebaka leo ke bileng morao nakong ha nyenyane, ba ile ba ntsetsa ho tswa hole, ho tswa Cheyenne, ke ka hona ho bileng jwalo ka nna.

¹² Mme jwale, re sa phetla Pesalemeng ena, ke na le ditsebiso tse mmalwa tseo ke batlang ho di etsa, tseo ke sa tswa di fuwa. Ke Pesalema ya 99 eo.

¹³ "Ho tloha jwale, ditsebiso tsohle tse mabapi le dikopano tabernakeleng mona, le matsholong, di tla tswa ofising e Jeffersonville. Mang le mang ya lakatsang ho tseba kaha dikopano eka kgona a faele, kapa ba fane ka mabitso a bona le aterese, mme ba e bee pulepiting ha tshebeletso e tswa bosius bona. O tla romellwa tlhokomediso ka nako o tle o kgone ho hlophisa tsa ho etela dikopano."

Ke hore, ka moso motho mang le mang ya batlang ho tseba feela moo re tla tshwara dikopano, re radile tsamaiso, ofising kwana jwale, ke hore o ka bea lebitso la hao le aterese mona. Mme re tla o romella karete, pele ho nako, o tle o tsebe moo ditshebeletso di tsweletseng, mme mohlolong le dihlooho, leha e le ntho efe feela e leng teng, ha o ka fumana monyetla feela. O a bona, ha o sa fumane tulo ya semmuso moo e tswang teng, e mong o re *sena* e mong o re *sane*, o—o ke ke wa e utlwisia, o a bona. Ka baka leo feela o... Ngola lebitso la hao le aterese mme o e bee mona, mme Billy Paul o tla e nka mme a e ntshe.

¹⁴ Jwale, ho ile ha botswa, hape, hore na ho sa tla tshwarwa hape.... "Moena Branham, na o sa tla hlola o tshwarwa ditshebeletso tsa phodiso tabernakeleng, le ditemoho tsa mehopolo mmoho?" Tjhe. Tjhe. Ditemoho tsa meya di tla ntshwa ke—ke boto e nngwe ya rona. Re na le Moena Neville mona jwale ya nang le neo ya boporfeta, e porofetelang ba kulang le ho ba tsebisa dintho tseo ba hlokang ho di tseba. Mme re na le moena ya bitswang Higg—...Higginbotham, e mong... e ne e le teraseti, ya sebeditseng ka botshepehi botong. Ha ke mmone hoseng hona, empa ka tlwaelo o na le neo ya ho bua ka dipuo. Le mofumahatsana ya bitswang Arganbright, kgaitsedinyana e kgabane e nang le neo ya phetolelo ya dipuo.

¹⁵ Mme melaetsa ena e paka ha e le ya Modimo, hoba ruri ha e tswe taolong, e dutse taolong hantle feela. Mme hang feela ha dineo tseña di qala di bokellana, re tla leka ho—ho fumana... ho di bea hantle hape kerekeng, mokgwa wa ho e sebetsa. Mme ke tla phakisa ho ba bona, hape e le hore bo—ho re bo—dikopano di tle di tswelliswe ka phethahalo ho latela taolo ya Morena, kamoo re ka e fumanang ka ho phethahala.

¹⁶ Empa batho bana ba ratehang, moahelani wa ka o rialo, Mof. Woods, ya hokeletseng maekrofone hodimo mona, le teipi morao mono, ho hatisa kopano, ka sepheo sa ho hatisa melaetsa eo feela, le ho e ngola fatshe, le ho bona ha eba e nepile kapa tjhe. Le a bona? Ke kamoo a e hlahllobang. Ke tseba Mof. Woods e le mosadi ya tshepehang. Mme o mpolella ka dintho tse ngata tse boletsweng, di a etsahala.

¹⁷ Jwale, ha ho le jwalo re lebohela hoo. Ke thuso e ka kang ho nna lapeng, ha ke kena lapeng, he. Temoho eo ya meya ka lehlakoreng la boporofeta e ntabola dikoto, mme, ka baka leo, Modimo o nthomeletse thuso mono, ka seporofeto, le ho bua ka dipuo, le phetolo, e leng seporofeto. E leng, seporofeto, ho bua ka dipuo. Ho na le mefuta e mmedi ya batho e porofetang. E mong o a bua, e mong o utlwisia se bolelwang ke e mong ka puo dipuo tse sa tsejweng, ke seporofeto ruri. Mme jwale re tla... Re ba le hoo tsatsi le leng le le leng, kopanong e nngwe le e nngwe mona ha re tshwere mela ya rona ya ho rapella kopanong.

¹⁸ Jwale, ho na le motho ya ka botsang, na... mabapi le neo. E, ke sa ntse ke e-na le yona. Empa ka mokgwa oo, kamoo ke e sebedisang kateng feela, ke dipuisanong tse ikgethileng, tseo ke di tshwarang. Mme, ho ka di fumana, ke a kgolwa ba di beile letlapeng la ditsebiso morao mane, ho fumana tumello le ho bea nako ya hao, ka Billy Paul, moshanyana wa ka, bakeng sa mona kapa dikopanong tse ka morao ho mona. Kwana ntle masimong, hohle, o tshwanetse ho ba le karetenyana eo Billy Paul a tla o fa yona. Ha ho e-na le ntho o sa kgoneng ho e utlwisia bophelong, mme o sa tsebe mokgwa wa ho tswa ho yona, mme o batla bohlale ba Morena, eba o ka... Bonana le Billy Paul, mora ka, e leng mongodi, mme o tla o fa karetenyana, mme a o beeble letsatsi, kapa nako.

Mme jwale ha re tshwere dihlahlolo tse ikgethileng tseo, ke mohla re tla kena mmoho, nna le wena feela. Mme ha ho e tla basadi ba tla kena le nna le mosadi wa ka. Mme jwale he o ka... Re tla fumana, le ho batla Morena le ho Mo kopa se o tshwanetseng ho se etsa.

¹⁹ Jwale, tse ding, ditaba tse nyenyane le tse jwalo, di iswa ho Moena Neville, le Moena Higginbotham, le Sister Arganbright, le ba bang ba buang ka dipuo le ho fetola, ba leng teng mona kerekeng.

²⁰ Ka baka leo, re jwale ka batho ba leetong. Ke a kgolwa e ne e le Jethro, ya itseng ho Moshe tsatsi le leng, le a bona, “A re nke baholo ba mmalwa.” “Mme Moya wa Modimo wa tloswa ho Moshe le ho bewa hodima baholo ba mashome a supileng, mme ba porofeta. Empa dintho tse kgolo le tse boima tsa tliswa pela Moshe a nnotshi.” Jwale, rona ha re Moshe, le bana ha se baholo bao, empa re sa sebeletsa Jehova Modimo, ka yona Topallo ya Mollo e re eteletseng pele ho ya Lefathseng la pallo.

Ka baka leo, he, e bo, ho tla ba le tse ding, ho tla ba le dikopano mme ho be le phetole- . . . Temoho ya mehopolo e tla hlaha. Hoo ho tla mpha monyetla he ho dula thapeleng le ho bala, matsatsing ao ke tsebang hoba dipuisano tsena di tla tshwarwa, mme ke itlhophelle tsona.

²¹ Jwale hopolang, Billy Paul Branham, mongodi wa rona wa tshimo, o tla . . . E teng . . . Ditsebiso di teng letlapeng morao mane, ka diteraseti. Ke tshwere ntlhanyana mona ho tsebisa seo, le ho borella batho hore ba ka bala letlapeng la ditsebiso, ha ba tswa.

²² Jwale, jwale, hoseng hona re tshwere thuto e kgolo, mme bosiusng bona re tla leka ho tswella ka yona. Mme, ha Morena a ratile, Sontaha se latelang, ntho e nngwe, ho yona. Ke ne ke sa tsebe kamoo e tebileng ho fihlela ke e hlahloba. Mme esale sephiri ho nna, le jwale, mme ka hona ke tshepetse ho Morena feela.

²³ Jwale, ho lona ba tshwereng Dibebele tsa lona, a re phetleng Pesalemeng ya 99, 99. Mme ke tla bala temana ya 1, phutheho e bale temana ya bo 2, re nto bala temana ya ho qetela bohole mmoho. Re tswela pele; nna, ya 1; phutheho, ya bo 2; nna, ya bo 3; phutheho ya 4; ho fihlisa temaneng ya ho qetela, mme re nto e bala bohole mmoho.

Na re ka ema ha re sa bala Lentswe la Modimo. [Moena Branham le phutheho ba bala Pesalema 99: 1-9 jwale ka ha a bontshitse—Mong.]

JEHOVA oa busa; merabe ya thothomela: o dutse hara dikerubime; lefatshe lea thekesela.

JEHOVA o moholo Sione; o phahametse ditjhaba kaofela.

A ba ke ba rorise lebitso la hao le leholo le tshabehang; hobane lea halalela.

Ke wena o leng matla a morena ya ratang toka; oa tiisitse ho lokeng, o hlahisitse ho loka le tokelo ho Jakobo.

Rorisang JEHOVA Modimo wa rona, le kgumame pel'a bonamelo ba maoto a hae; hobane oa halalela.

Moshe le Aarone baprista ba hae, le Samuele e mong wa ba neng ba rapela lebitso la hae; ba nna ba rapela JEHOVA, mme a ba utlwa.

A nna a bua le bona a le topallong ya leru: mme ba boloka ditaelo tsa hae, le melao eo a neng a ba neile oona.

JEHOVA Modimo wa rona, o nnile wa ba utlwa: o bile ho bona Modimo o tshwarelang, leha o ne o pheteletsa diketso tsa bona.

Rorisang JEHOVA Modimo wa rona, le kgumame thabeng e halalelang; hobane JEHOVA Modimo wa rona oa halalela.

²⁴ A re inamiseng dihlooho tsa rona.

Ruri, Morena, Mantswe ana a ngodilwe a bile a betlilwe ke mohlanka wa Hao, Davida, Pasalemeng e lebisitsweng ho Wena. Wena o hlile o dula pakeng tsa Dikerubime. Oa halalela, mme thaba ya Hao e a halalela. A re ke re atamele ka dipelo tsa rona tse fokilweng ka Madia Morena Jesu, ka letsalo le hlwekileng, le ka tumelo le kgodiso ya hore re kena ka pela Sefahleho sa Modimo wa rona. Phutheho ena yohle hoseng hona e ke e be le tshabo. Bula ditsebe tsa kutlwisiso ya rona. Bua ka rona, ka bohlale, re tle re tsebe mokgwa wa ho itshwara matsatsing ana esita le ka pel'a Sefahleho sa Hao.

²⁵ Rea O kopa, Modimo wa rona, ho re senolela dintho tsena tse sephiring tseo esale di patwa dilemo tsena tsohle, re sa atamela a mang a Mantswe a hlokolosi, a hломоланг ka ho feta. O buile ka yona mohla O no o le lefatsheng mona, mme wa re, "Ya balang, a lemohe." Ka baka leo, re tla ho Wena, ka mosa o fetisang, Morena, le ho batla bohlale ba Hao, ha re tsebe seo re ka se buang. Ke beile Mangolo a mmalwa mona taalong, le ho tshepela ho Wena ka ho shwelella le ka bottlalo bakeng sa karabo, e seng bakeng sa morero o mong o se le ha e se hore re tle re tsebe hora eo re phelang ho yona, re tle re itokisetse dintho tse kgolo tse ikadileng ka pele. Na O ke ke wa re abela hona, Morena, ka Lebitso la Eo Ya re rutileng ho rapela jwana! [Moena Branham le phutheho ba rapela mmoho ho latela Mattheu 6:9-13—Mong.]

...Ntata rona ya mahodimong, Lebitso la hao le kgethehe.

Ho tle mmuso wa hao. Thato ya hao e etswe lefatsheng, jwale ka ha e etswa lehodimong.

O re fe kajeno bohobe ba rona ba tsatsi le leng le leng.

O re tshwarele melato ya rona, jwale ka ha re tshwarela bao ba nang le molato ho rona.

O se ke wa re isa molekong, o mpe o re lwele ho e mobe: Hobane mmuso ke wa hao, le matla, le kganya, ka ho sa feleng. Amen.

²⁶ Dulang fatshe. Jwale, ha e mong wa banna a batla ho hlobola baki tsa bona, ikutlwé o phutholohile. Mme bao ba emeng pela le—lebota, ha o utlwa o opelwa, kgele, ikutlwé o lokolohile ho tswela ka ntle.

²⁷ Mme jwale, ke nahana hore, ha bana ba batla ho ya dikamoreng tsa bona, kapa na ba se ba ntshitswe? [Moena Neville o re, “Tjhe, ba ke ke ba kgona. Re ke ke ra kgona ho se tshwara hoseng hona, ka baka la bongata.”—Mong.] Modisa o re letshwele le tlatsitse diphaposi, ka hona ha re n’o ba le sekolo sa Sontaha bakeng sa ba banyenyane. Mme re ka thabela haholo ha bana ba banyenyane ba ka sebetsa le rona mmoho, kaha hoseng hona re tshwarane, re qala Molaetsa o moholo o phahameng, oo ke tiileng hore o tla bolela ntho e kgolo ho bontata lona le mme, le ho baratuwa ba lona leng teng mona, esita le ho lona ba ba nyenyane. Ka baka leo, re o atamela ka tshabo ruri.

²⁸ Ha Morena a rata, hoseng hona re nka seholoho sa diveke tse mashome a supileng tsa Daniele. Mme hoseng hona re bua ka Daniele kgolehong, mme Gabriele a fofa ho mo eletsa ka bokamoso. Yare Daniele a sa dutse thapelong, Gabriele, Lengelo, a tla ho mo eletsa.

Bosiung bona, ke batla ho bua ka ketelo ya Hae ya mekgahlalo e tshelela, dihlooho tse fapaneng tse tsheletseng tse tla tliswa bosium bona, tseo Gabariele a tlang ka tsona.

²⁹ Sontaha se hlahlamang, ha Morena a ratile, ke batla ho bea lebaka le nako ya Mengwahakgolo ya Diphuteho tse Supileng, le nako eo di leng ho yona, le moo re emeng teng kajeno. Ke hoseng ha Sontaha se hlahlamang, ha Morena a ratile.

³⁰ Jwale, lebaka la sena. Ke tlide le dintlhanyana tse tswang Melaetseng ya ka e mmalwa ya ho qetela. Mme hoseng hona ke batla ho rokella, hoba taba ena e lebanteng la kgatiso la makenete le tla ya lefatsheng lohle, ditjhabeng tse ngata. Mme, kamehla, lebaka leo ke o tshwarisang ka morao, ke hoba mohlolomong motho o tla utlwa teipi kgetlo la hae la pele, mme a sitwe ho utlwisia seo ke ne ke se bolela ha ke lebisa morao nthong e nngwe e sele.

³¹ E se e le dikgwedi jwale re lekodisa Buka ya Ditshenolo, Tshenolo Ya Jesu Kreste. Re fetile mengwaheng ya diphutheho. Dikgaolo tsa pele tse tharo tsa Ditshenolo e ne e le diphutheho tse supileng. Yaba Johanne o nkewa hodimo kgaolong ya 4 le ya bo 5, mme a bontshwa dintho tse—tse tla hlaha ka mora mona. Jwale, kgaolong ya 6, o theohela lefatsheng hape, ho bona dintho tse etsahalang tse tla qala kgaolong ya 6, temaneng ya pele, ho fihlela kgaolong ya 19 le temana ya 21. Mona ho kena Ditiiso, Dikotlo, Dikotsi, ditsie, mo—mosadi letsatsing, le ho lelekwa ha drakone e kgubedu, ho tshwauwa ha ba dikete tse lekgolo le nang le mashome a mane le metso e mene, le dintho tsena tsohle.

³² Ena e bile veke e kgolohadi ya ho badisisa. Maobane, tsatsi lohle, ka batla ke sa tswe ka phaposing, ke leka ho bala haholo. Mme ke taba e lebahaneng le nako ya qetelo, bongata ba mekaubere mona, moo ke rutileng, ke ile ka re feela, “Diveke tse mashome a supileng tsa Daniele di kena mona,” empa ka se ke ka leka ho di hlasela, ho di hhalosa. Empa nakong ena, ka mohau wa Modimo, ke ipelesitse ho leka ho kopa mohau pela Modimo, ke tle ke e tlisetse batho. Mme ka mona ke fumana dintho tseo ke sa tsebeng le ntho e le nngwe ka tsona.

³³ Mme, hape, ke—ke ne ke ntse ke bala buka ya Ngaka Larking, buka ya Ngaka Smith, dintlha tsa Ngaka Scofield, ditlhakisetso tse fapaneng ho tswa ho banna hohle, mme leha ho le jwalo ha ke kgone ho kopanya dintlha tsa bona ho etsa hore e hlahelle hantle. Le a bona? Ka baka leo, vekeng ena ke rerile jwalo, ke ne ke ntse ke etela laeborari Kentucky, mabapi le astronomi tsa kgale tsa dialamanaka le dinako, le ho nka dilaboraring, le tse jwalo, dibuka tsohle tsa kgale tseo nka di kgonang, le bonnyane boo nka bo etsang, le ho bea tshepo ya ka ka ho shwella ho Jesu Kreste ho ntshenolela yona.

Hobane, ha ke batle ho e bolela ke re, “Ke tseba *sena*, mme ke tseba *sane*.” O tseba pelo ya ka. O mmametse. Empa ke a e batla, ke tle ke kgantshetse batho ba Hae, ka baka leo ke dumela hore O tla mpha yona. Le jwale ha ke eso tsebe, empa ke tshepela ho Yena bakeng sa Sontaha se hlahlamang, hoba eo e tla karolo e kgolohadi, Sontaha se hlahlamang, ho tseba le ho bea diveke tseo tse mashome a supileng.

³⁴ E nngwe le nngwe e na le sebaka se fapaneng. Mme ha o etsa jwalo, o di mathisa mono, ha di kgohlele hantle, ha di otle botsekeng. Nkeke. Mme, ha ho le jwalo, ke—ke mohlomong nka se kgone ho di lokisa hantle, empa ke tla tshepela ho Morena bakeng sa hona.

³⁵ Mme ke hopola Solomone ha a na a rapela ka nako e nngwe mme a kopa Morena Modimo na A ka mo nea bohlale, e seng bakeng sa hae, “e seng kekeletso ya matsatsi, e seng bophelo bo bolele, e seng maruo,” empa hore a tle a be le bohlale ba ho tseba mokgwa wa ho—ho—ahlolela batho ba Modimo. Mme Modimo wa hlompha thapelo eo, mme wa fa Salomone bohlale boo, hobane e ne e le bakeng sa batho ba Hae. Mme ke ka hona ke kopang Modimo ho ntsebisa se bolelwang ke diveke tsena tse mashome a supileng, hobane ke a tseba ke yona-yona kalendara ya mongwahakgolo oo re phelang ho wona. Mme, ha ho le jwalo, ke batla ho e tseba, e seng bakeng sa ka, ke a... e seng bakeng sa ka. Hobane, ke batla ho e tseba. Ha ke bolele ka tsela eo, “E seng bakeng sa ka,” hoba le nna ke ipatleta yona. Ke batla ho tseba, hoba ke batla ho tseba moo re phelang teng le nako eo re phelang ho yona. Mme, hape ke a tseba hoo ho abilwe.

³⁶ Mme batho ba fapaneng ba nnile ba e lekanya, mme ba ne ba e lekanyeditse morao kwana. Thaka le leng, ke ne ke ntse ke bala, a itse e feletse yohle ka 1919, mashome a supileng a diveke. E, ho no ho se jwalo.

Ka baka leo, ka morao ho mashome a supileng a diveke, ka morao ho mashome a supileng a diveke, hohle ho fedile. Ka baka leo ha re—re batle... Re batla ho tseba Nnete. Mme ke kopa Modimo ho mpho Nnete.

³⁷ Jwale, ho tshehetsta taba ena, ho kgutlela morao, ke batla ho kgutlela morao ho se hokae. Ka baka leo, ha ho le jwalo, dintlhana tse itseng tseo ke di ngwapileng fatshe, tseo re neng re di tshwere kgaolong ya 5, ya 4 le 5, batho ba tle ba utlwisise. Pele, pele re etsa hona, ke batla ho rokella taba ena, le tle le fumane, ho tloha kgaolong ya 4...

Jwale, hopolang, kgaolo ya 3 e ne e le Mongwahakgolo wa Phutheho ya Laodicea, mme Kereke e ile ya nkwa pheletsong ya Laodicea.

³⁸ Jwale, ke ne ke leka ho hlilosetsa mosadi wa ka ntho e nngwe ka yona. Ke ena le Becky, moradi wa ka, re nkile mefuta yohle ya dibuka tsa mantswe le dintho tseo re neng re ka di fumana. Ha di fane ka karabo. Ka nka dikshinari ya Bibebe. Ka nka dikshanare ya kgale ya Segerike. Ka—ka nka ya—ya Websters tse ding tse ngata, didikshinari tsa sejwale. Ho se le e nngwe ya tsona e neng e kgona esita... ho fana ka mantswe kapa karabo, ka tsela efe feels.

³⁹ Mosadi wa ka a re, “O ka lebella batho ba rona jwang, e leng batho ba futsanehileng, le bongata ba bona bo sa rutehang jwaloka rona, ho utlwisisa ntho e kang eo?”

Ka re, “Modimo o tla fana ka karabo.”

⁴⁰ Ho sa tsottelehe e thata hakakang, Modimo a ka e qhaqholla mme a e nolofatsa. Hoba re... karolo ya batho bao ba labalabelang, ba rapellang tsatsi leo le hora eo. Mme mahlo a rona a tsepamisitswe nqa Lehodimong, mme re shebile ho tla ha Hae. Mme ke title hore O tla re bontsha. Jwale, e ke ke ya re bolella letsatsi kapa hora, hoba ho se motho ya ka tsebang hoo, empa ruri e tla re bolella letsatsi la veke leo re phelang ho lona, ha feelsa re ka e tshwara.

⁴¹ Jwale, kgaolong ya 4, Johanne o ile a nkwa hang-hang, ka morao ho Kereke. Johanne, ka ho nyoloha, o bone mongwahakgolo wohle wa Kereke. Ke hona moo ke ratang ho emisa, motsotswana feelsa, ho bolela, hore: batho ba bangata ba lebeletseng ntho e kgolo, e phahameng, ntho e matla e tla etsahala, mongwaheng wa Baditjhaba, ba fositse ruri. Mongwahakgolo wa Kereke, le tsohle tse tla hlaha kgabareng ya puso ya Baditjhaba, di ngotswe ho tloha ho Tshenolo 1 ho ya ho Tshenolo 3, mmoho. Yaba Kereke e a hlwibilwa le ho

nkelwa hodimo, mme karolo ena yohle e setseng, ho ya fihla kgaolong ya 19, ke se hlachelang morabe wa Bajuda, hoba Kereke e nyolohele hodimo. Mme ke nako ya Matshwenyeho a maholo, ha ho letho le tla etsahala hara Baditjhaba; haese hlabo feela, le ntho tse jwalo, jwale ka ha re tla fihla nthong eo le ho bona.

⁴² Empa Kereke, ka boYona, e tsamaile ho ya 13... Temaneng ya ho qetela ya kgaolo 3 ya Ditshenolo, mohla mongwahakgolo wa phutheho ya Laodicea o fetang, oo e ne e le wa ho qetela.

⁴³ Mme re ile ra nka mongwahakgolo wa phutheho ka nngwe, nako le nako, ntho ka nngwe e etsahetseng, naledi ka nngwe, moromuwa ka mong, semelo sa bona, seo ba se entseng, mme ra e tlisa jwalo ho theoha le histori ho fihlela ya ho qetela, e takilweng hantle mono setshwantshong, pela lebota. Mme ya re ha re qeta, Moya o Halalelang wa kena mme wa etsa sedikadikwe sa yona ntho eo leboteng, le ho e senolela rona bohle hantle mona ka boYena.

⁴⁴ Jwale, ho etsa hona, kea tshepa, pheletsong ya hona O tla tla ka ntho e itseng e kgolohadi le ho re bontsha hape hore re nakong ya qetelo.

⁴⁵ Ke ba bakae ba lona ba utlwileng Kennedy... Puo ya Presidente Kennedy, ditlhahiso le ntho tse jwalo? Ke ba bakae ba utlwileng noho ena, hore ka la pele Pherekong ho nohilwe hore United States le Russia mmoho di tla fetoha lerole la volekano? Ke phetho seo re se hlokang. Ke morao ho feta kamoo re nahanaang. Le a bona? Ka baka leo, haeba re le haufi hakana ho fihlela banna ba lefatshe lena ba noha nthohadi ena hore e tla hlaha, re mpe re fadimehe, ntho ka nngwe e nakong hantle, maipolelo wohle a entswe, ntho ka nngwe e malalaalaotswe, hoba ha re tsebe feela nako eo Morena wa rona a tla re bitsa. Mme ha A bitsa, "Nyolohela kwano," e mpe e be re lokile. Mme e tla fihla nakong eo le sa e hopolang.

⁴⁶ Tsoseletso e kgolo ya Pentakosta e a kgaotsa jwale. Re e bona hohle, kgato ya ho qetela e kgolo. Molaetsa o tswile. Ntho ka nngwe e malalaalaotswe jwale, ka tebello. Kereke e tiisitswe e kwaletswe. Ba babe ba eketsa ka bobo. Dikereke di eketsa bokereke. Bahalaledi ba atamela Modimo ho feta. Dineo tsa Moya di qala di ata dihlotshwaneng. Re nakong ya qetelo. Oh, ke rata thoko eo re neng re tlwaetse ho e bina kerekeng.

Ke emetse ho fihla ha Tsatsi la lemo tse sekete
le monate,
Mohla motlotlehi Morena rona a tla nka
Monyaduwa' Hae ea letileng;
Oh, pelo yaka ea lla, e nyoretswe tsatsi leo la
tokoloho e monate,
Mohla Moloki wa rona a tlang lefatsheng
hape.

⁴⁷ Ho emetswe hora eo! Jwale, kgaolong ya 5 le ditemaneng tsa 5, re a fumana, thutong ya rona e fetileng, moo re buileng ka Molopolli eo wa Habomotho, eo re fumaneng hoba e ne e le Kreste. Ra e bapisa le Ruthe: Ruthe o etsa qeto; Ruthe o a sebetsa; Ruthe o phomotse. Ho etsa qeto, e ne e le tokafatso; ho sebetsa, ho itokisa ha hae, kgalaletso; ho phomola, a tsamaya le Moya o Halalelang, ho fihlela Selallo sa Lenyalo. Ho hotle hakakang!

⁴⁸ Kereke e tlie ka John Wesley, tokafatso, kapa... Marting Luther, tokafatso; ka John Wesley, kgalaletso; ka Pentekosta, kolobetso ya Moya o Halalelang; mme jwale, ho phomola, ho emela ho Khutla ha Morena wa Hae. Ka ho phethahala!

⁴⁹ Molopolli wa HaboRona, baholo ba ne ba nepile ha ba ne ba Mmitsa Konyana, e seng e tla ba Tau, jwale ka moahlodi. E ne e le Konyana, le a tseba, ka Buka e tiisitsweng ha supa. Ha Buka e ne e nkuwa, mosebetsi wa bobuelli o ne o fedile.

⁵⁰ Jwale, kgaolong ya 3, Kereke e ne e se e nyolohetse hodimo, empa jwale topollo e tla senolwa, kamoo Kereke e lopollang—lopolotsweng, tshenolo ya se etsahetseng nakong ya mongwahakgolo wa Kereke. Le a bona, Kereke e tsamaile, ka baka leo jwale O a bontsha, kgaolong ya 5, kamoo A e sebeditseng kateng, se etsahetseng, kamoo A ileng a tshwaya Kereke kateng. Tshenolo ya Lebitso la Hae; kolobetso ya metsi, ka ho sebedisa Lebitso la Hae; Bophelo bo sa Feleng; ha ho dihele tse sa Feleng; peo ya noha; polokeho-e-sa-Feleng; dithuto tsohle tse kgolo, boitherelo-pele, ba Kereke, bo ileng ba senolelwa Kereke. O bontsha kamoo A e sebeditseng kateng.

⁵¹ Jwale, Mohab'orona o fuwa Buka e tiisitsweng ha supa ya Topollo e tswang ho Mong'a yona wa ho qala. Amen! E ne e le mang, eo re mo fumanang, e ne e le Mong'a yona wa mantlha? Modimo ka boYena. "Mme Konyana ya tla mme ya nka Buka letsohong la Ya dutseng Teroneng." Konyana e ne e le mang? Molopolli, wa hab'oRona, wa Habo Kereke, Ya tlileng mme a lopolia Israele.

⁵² Jwale, re tla kena tabeng eo hoseng hona. Israele e ile ya lopolwa, empa ya se ke ya sebeletswa bona, hoba ba Mo hanne. Empa, Kereke e amohetse topollo ya bona, mme Yena ke Molopolli wa haboRona. Jwaloka ha Boase a na a loketse ho lopolla Naomi, a tle a fumane Ruthe, moMoabe, molata, Moditjhaba; ka mokgwa o tshwanang Kreste o lopolotse Israele, o ile a phethisisa topollo, mme a hanwa.

⁵³ Le sa hopola teselo, moo monna a ileng a thunngwa, eo ke e phetang ka nako tse ding? Mehleng ya ntwa ya boahi, ha... E ne e le monna ya lokileng. A se na molato, mme ba mo fumana a le molato. Leha, a na a le molato ka mokgwa o itseng, ke hore a baleha nakong ya ntwa. Mme ba mo fumana a le molato mme ba ne ba tla mo thunya. Mme monna e mong a ya ho Presidente

Lincholn mme a re, “Mong. Lincholn, ke Mokreste monna enwa. O ne a tshohile. Moshanyana, ke tseba ba habo. O na mpa a tshohile feela. O na a sa ikemisetsa ho hlahisa kotsi. O ile a baleha.” A re, “Mong. Lincholn, e matsohong a hao. Ke wena feela ya ka mo leballang.”

Mong. Lincholn a nka sekgetjhana sa pampiri le pene ya hae, mme a saena, “O lebaletswe,” ke *Sekete-kete*, “Abraham Lincholn.”

A kgutlela teronkong a matha, mme a re, “Ke ena. Ke tshwere teselo ya hao.”

⁵⁴ Mme monna eo a re, “Ke hana ho e sheba. E ka be e-na le tiiso e kgolo ho yona. E ka be e le ntho e nngwe le nngwe. O mpa o leka feela ho tshehis ka nna. Ha se Abraham Lincholn. Mang le mang a ka saena lebitso la hae. Empa e tla lokela ho ba tokomane e tiisitsweng ka tiiso ya hae, le jwalo-jwalo, haeba e tswa ho yena.” Mme monna a mo susumetsa; leha monna ya ka hara teronko a na a nahana hoba o a swaswa, mme a tloha a itsamaela.

Hoseng ho latelang, a thunngwa. Mme hoba a thunngwe, yaba ho kena nyewe ya lekgotla la federale, hobane Abraham Lincholn, dihora tse mashome a mabedi le metso e mene pele monna a thunngwa, a ile a saena lebitso la hae hore monna enwa o tshwaretswe. Mme mmuso o thuntse monna enwa, leha ho le jwalo. Jwale ho ka thweng? Yaba lekgotla la federale la United States, le re, la fihlela qeto ena ya makgotla a Federale, la re, “Tshwarelo ha se tshwarelo ha e sa amohelwe jwale ka tshwarelo.”

⁵⁵ Mme Jesu o lopolotse Iseraele Kalvari. Empa e ne e se tshwarelo ho bona, hoba ba sa e amohela jwaleka tshwarelo. Empa, thutong ya rona jwale hodima diveke tsena tse mashome a supileng, re fumana hoba ba ile ba boela ba amohela tshwarelo ya bona hape. Empa, O lopolotse Kereke, ha ho le jwalo re tshwaretswe hobane re amohetse Madi a Jesu Kreste jwale ka tshwarelo ya rona.

⁵⁶ Jwale, re fumana hoba E ne e le Molopelli wa Haborona, mme o nkile Buka letsohong la Mong'a yona wa tshimoloho. Ke lengolo la tokelo topollong. Re fumane taba eo. Le sa hopola setadi seo? Ke lengolo la tokelo topollong. Le tshwere ho lona mosebetsi wa teballo, moo Modimo a na a batlile bophelo bo shwang, tshimong ya Edene. Yaba, Jesu, Ya lokileng, a shwa a ba a nka lengolo la tokelo, mme a kgona ho manolla Ditiiso, ho senola se neng se le ka hara Tsona; le ho fana ka lefa, leo e ne e le la Hae, ho batho ba Hae. Bophelo bo sa Feleng, boo A ileng a bo rua ka ketso eo, A fetisa Bophelo ba Hae ka sebele, Kalvari, le ho bo aba hara rona ka Moya o Halalelang. Amen! Ha ho motho (le ka mohla) ya kileng a kgona esita le ho nahana kamoo lerato leo le ne le kateng, seo A se entseng!

⁵⁷ Satane, eo ka nako e nngwe a n'a ruile ka baka la tlolo tshimong, o a tlanngwa mme o lahlelwa Letsheng la Mollo. Matsatsi a hae a fedile.

⁵⁸ Jesu, Evangeling, o bile le dithaetlele tse nne. Re fumana hono. Mora Davida, mojalefa wa Terone; Mora Abrahama, kabelo ya borena; Mora motho, mojalefa wa lefatshe; Mora Modimo, mojalefa wa ntho tsohle. Kabelo ya borena!

⁵⁹ Testamenteng ya Kgale, leruo ne le ke ke—le ke ke tshwarwa ho feta dilemo tse mashome a mahlano. Le ka amohuwa monga lona wa mantlha dilemo tse mashome a mahlano. Mme O lefile moputso ka letsatsi la mashome a mane. Ka letsatsi la mashome a mahlano, topollo le matla a n'a lebisitswe ho Kereke, a n'a a lahlehile tshimong ya Edene, a ile a lopollwa a kgutliswa, le ho romellwa rona ka kolobetsa ya Moya o Halalelang, ka tsatsi la mashome a mahlano.

⁶⁰ Yaba re nka ntho ena, lengolo. Re ile ra nka mangolo, kamoo lengolo lena le ileng la bewa letsohong la Hae. Kamoo Jeremiah, ho Jeremia 32:6, motswala'e, Hanamaele, a ileng a mo siela mojalefa ya itseng. Mme ba ne ba ya kgolehong. Etswe, re tla kena teng, mmoho le yena, hoseng hona: kgolehong. Mme le ne le bolokwa ka hara pitsa ya letsopa; ho bontsha moo matla a Modimo, a leng teng, le mangolo le makunutu a Modimo, a tsejwang, ka pelong. Leano la rona la topollo, yona ntho eo e bolokilwe ka hara lefiso la letsopa, Lebitso la Jesu le tshenolo.

⁶¹ Re fumana hore ntho ena e ne e tiisitswe ka Ditiiso tse Supileng, mme Tiiso ka nngwe e phuthetswe e thatilwe. Mme ene e re ha tshenolo e hlahella, O ne a hula Tiiso, mme a lokolla ntho ena le ho bala seo Tiiso e se boletseng. A ntano lokolla le latelang, lengolo, le ho bala se boletsweng ke Tiiso eo. Ho lokolla le latelang, ho le ntsha le ho bona se boletsweng ke Tiiso eo, le seo tshenolo e ne e le sona. Ke hantle seo Ditiiso tsa rona tse Supileng, tseo re tla kena ho tsona haufi, re a tshepa, e tla sebetsa. Tiiso ka nngwe, ha e tloswa Bukeng, e tla thatollwa, mme hoo ho tla bontsha se etsahetseng hantle.

⁶² Re fumana hore ho na le “supa,” morero wa mehlahlo e mehlano wa topollo. Hlano ke palo. Mme ho na le bo-supu ba bahlano; Ditiiso tse Supileng, Meya e Supileng, mangeloi a supileng, Diterompeta tse Supileng, le mengwaha ya dikereke tse Supileng. Ka baka leo, le a bona, bo-supu ba bahlano ke mohau. Hlano ke mohau, mme supa ke phetheho. Ka baka leo e matha hantle feela ka phetheho, le a bona. Ke hantle.

⁶³ Jwale ka, Tiiso ka nngwe e robjwang Lentsweng la Modimo, e senolela monna wa mongwahakgolo, mongwahakgolo oo re phelang ho wona, moyo wa mongwahakgolo, kereke ya mongwahakgolo. Ho Tshenolo 10, qetellong, re fumana hore ha Tiiso ya ho qetela e ne e

manollwa, re fumana Lengeloi le eme ka leoto le leng hodima lefatshe, le leng hodima lewatle, matsoho a Lona a phahamiseditswe Lehodimong, le mookodi hodima hlooho ya Hae, a hlapanya ka Ya phelang kamehla le mehla, hore nako e fedile, mehleng ya Tiiso eo ya ho qetela. Mme le emele ho fihlela re kena Ditiisong tseo le ho bona moo Tiiso eo e leng teng. Ka mora hoba le fumane diveke tse mashome a supileng, eba re bona moo Ditiiso di leng teng, "Nako e fedile," topollo e fetile, jwale ke Tau le Moahlodi. Ke Mopholosi wa lona hoseng hona, empa ka tsatsi le leng O tla fetoha Moahlodi wa lona.

⁶⁴ Ya 8 ho isa ho ya 1... temana ya 14 ya kgaolo ya 5, e senola nako ya ho rapelwa ha Konyana, Lehodimong le lefatsheng mmoho; Buka e tiisitsweng hasupa, Konyana e nang le tokelo, Molopolli wa Habomotho. Mme ho tloha temaneng ya 8, ho ya ho 14, Mangeloi a Mo kgumamela, baholo ba Mo kgumamela, Dibopuwa tse phelang di a Mo kgumamela. Mme Johanne o ile a Mo kgumamela hoo a bileng a re, "Sebopuwa ka seng Lehodimong, lefatsheng, ka tlasa lefatshe, sa nkutlwah a ke re, 'Tlotla, kganya, matla, bohlale, bo ke bo lebiswe ho Konyana.'" Nako ya ho rapela Morena Konyana. Jwale, Kereke e tsamaile, hopolang.

⁶⁵ Jwale a re phetleng ho Daniele, le kgaolong ya 9, le ditemana tsa pele ho fihla ho ya 3. Mme re nto nka ya 20 ho ya ho 27, hoba ena ke thapelo ya Daniele feela. Ke batla le bale hona hape le hape, vekeng jwalo, jwale, ho fihlela o e tshwara.

*Ka selemo sa pele sa ho busa ha Dariuse mora...
lesika la baMede, ya neng a beilwe morena wa ba-Kalde;*

*Ka selemo se galang puso eo nna Daniele....tlwa,
ka utlwa ka dibuka ke hore palo...ya dilemo, tseo
Modimo a neng a di boleletse moporofeta Jeremiah, tse
neng di tla phetheha Jerusalema a se a senyehile ke
dilemo tse mashome a supileng.*

*Jwale (e latelang) ka phahamisetsa mahlo a ka ho
Morena Modimo, ho ithusa ka thapelo ka kopo, le ho
itima dijo, ka lesela le mahwashe, le ka molora:*

*...Ka etsa thapelo ya ka ho JEHOVA Modimo...,
ka bolela melato ya rona,...*

⁶⁶ Mme o tswelapele jwalo le jwalo, ho fihlela jwale re fihla temaneng ya 20. Ho boloka nako, batho ba eme, ke batla le fihle temaneng ya 20, ho fihlela re theohela jwale te-temaneng ya 20.

*Ke re ke sa ntsane ke rapela, ke bolela, sebe sa ka le
sebe sa setjhaba sa heso sa Israele, ke tsholla
dithapedisiso tsa ka pela JEHOVA Modimo wa ka
bakeng sa thaba e kgethehileng ya Modimo wa ka;*

Kwana, ha ke sa bolela ka thapelo, monna eo Gabariele, eo ke neng ke mmone pele ponong e nngwe, a qala...a phakisa a fofela ho nna, e le ka nako ya sehlabelo sa mantsiboya.

A ntsebisa, a bua le nna, a re, Daniele, ke hlahile jwale ho o nea kutlwisiso ya taba tseo.

⁶⁷ Ho ka thweng hola re ne le teng moo! O ile a mo fihlela mokgweng ofe? Thapelong.

Lengeloi, “monna eo.” Le a lemoha, o Mmitsitse, “monna eo.” Mme ka ha e ne e le wa ha...

Mme eitse ha ke qala ho rapela lenseswe la tswa, (le mo laela ho ya), leo ke tlileng ho o bontsha lona; hobane o ya ratwang: haeba...Ela lenseswe hloko, o utlwisiso pono.

Veke di mashome a supileng tse badilweng hodima setjhaba sa heno, le hodima motse wa heno o halalelang, kapa motse wa heno, ho kwalla bobe,...ho fedisa sebe, le ho phekola bokgopo, le ho hlahisa ho loka ho sa feleng, le ho tiisa pono le boporofeta, le ho tlotsa Sehalaledisiso.

Ke eo ketelo ya mekgahlelo e tsheletseng ya ho tla ha Hae. Jwale lemohang.

Jwale, ka hona, tseba ke hona o utlwisiso, (jwale utlwang) hore ho tloha taelong e bolelang hore Jerusalema o tla tsoswa o hahuwe ha e tswile ho fihlisa...Motlotsuwa Morena ho tla fetu veke tse supileng,...ka veke tse mashome a tsheletseng a metso e mmedi: mme diterata di tla tsoswa di hahuwe, le marako, empa e tlaba nako ya mahlomola.

...ka mora veke tse mashome a tsheletseng a metso a mmedi Motlotsuwa o tla tloswa, empa e se bakeng sa hae: motse o tla senyeha le sehalalelo ke makgotla a morena e mong a tla tla—morena e mong a tla tla... bofelo ba wona e tlaba morwallo,...dintwa di tla ba teng ho isa qetellong ditshenyehong di se di laotswé.

Monna eo o tla hlabu selekane se matla (utlwang) le ba bangata ka veke e le nngwe, (e nngwe ya veke tse mashome a supileng: mme mahareng a veke o tla fedisa sehlabelo le nyehelo, mme manyala a tshenyo a tla dula tempeleng ho isa bofediso bo laetsweng bo wela hodima mosenyi.

⁶⁸ Jwale, thuto ya rona ya kopano tse latelang tse tharo, tse nne, tse hlano, ke eo, ntho efe feela eo Morena a tla e senola. “Veke tse mashome a supileng.”

⁶⁹ Jwale, ke tla kopa Doc, ha a kgona, bosius bona, ho hloma letlapa la ka mono, ke tle ke le tshwaye. Ha ke batle ha

le ka e fosa. Jwale eka kgona le bale le nna, ho mme ho bala ka botebo, ho seng jwale le tla e fosa. Mme ke batla ho e taka mona tlapanstshong, mme hape le tle ka dipensele tsa lona le pampiri mme le ngole matsatsi ana, dinako tsena, le tse amanang le tsona tsohle.

⁷⁰ Jwale, veke ya mashome a supileng e qala (jwale utlwisisang hona) ka mora ho nkuwa ha Kereke. Jwale, motho e mong le e mong o utlwisia hoo, e reng, “Amen.”[Phutheho e re, “Amen.”— Mong.] Jwale, ka mora ho nkuwa ha Kereke.

⁷¹ Tshenolo 6:1, ho fihlisa ho Litshenolo 19:21, e hokahane le veke tse mashome a supileng, ka baka leo re tshwanetse ho ema le ho hhalosa, pele re ya hole. Re tshwanetse ho ema le ho hhalosa veke tsena tse mashome a supileng. Hobane, ha le sa etse jwalo, le tla fosa Ditiso tseo, le tla fosa Diterompeta tseo, le tla fosa Dinkgo tseo, Dikotlo tseo, meya e meraro eo e sa hlwekang e kang dihoho, Dikotsi tseo tse tharo, ho lelekwa ha drakone e kgubedu, mosadi letsatsing. Le tla e fosa yohle, ha le sa etse jwalo, hobane e etsahala hantle mona vekeng ena ya mashome a supileng. Ke hona moo e etsahalang.

⁷² Jwale, moporofeta Daniele o na a dutse Babilona dilemo tse mashome a tsheletseng a metso e robedi. Lona ba batlang ho kgutlela morao, le tle le ipolokele nakwana, mme ke ile ka tlameha ho—ho e lekola. Dilemo tse mashome a tsheletseng a metso e robedi! O kene kgolehong ka B.C. 606, mme ha pono e ne e mo hlahela e le—e le B.C. 538. 538 ho tswa ho 606, ho sala mashome a tsheletseng a metso e robedi. O dutse Babilona dilemo tse mashome a tsheletseng a metso e robedi, hara bahetene, le ha ho le jwalo a dula a ntse a tshwere tlholo. Amen. Ha re kgone ho qeta hora.

⁷³ Empa a le mahareng hantle, ho se motho ntle ho metswalle e meraro, mme bao ba le dikarolong tse fapaneng tsa mmuso. Empa, Daniele, a eme a le mong le Modimo, a kakatlela tlholo ka dilemo tse mashome a tsheletseng a metso e robedi. Nahanang taba eo! Ha ke batle ho qala ho rera, hoba e ka kgona ebe Molaetsa o rutang. Empa, dilemo tse mashome a tsheletseng a metso e robedi, a ntua tshwere tlholo mme a sa silafatswa, pela Modimo; ntle ho kolobetso ya Moya o Halalelang, ntle ho Madi a Jesu Kreste a mo emelang; ka madi a dipoho feela, le dipodi, le dithole, tseo a na a loketse ho di nyehela sephiring, ka baka la moetlo wa bohetene wa naha eo. Ba ne ba isitswe tlase mono. Jeremia o na a porofetile ka bona, hore ba tla ya.

⁷⁴ Jwale, Daniele, oho, kgidi, a qala a bona nako e atamela, jwaleka rona kajeno. Daniele a qala a “utlwisia” o boletse, “ka ho bala dibuka.”

*Mme ka selemo se qalang puso ya...Daniele...ka
puso ya hae nna Daniele ka utlwa ka dibuka hore*

palo...dilemo, ka hona... tseo JEHOVA a neng a di boleletse moporofeta Jeremia, tse neng di tshwanetse ho phethwa Jerusalema a...senyehile ke dilemo tse mashome a supileng.

⁷⁵ Jeremia, ka B.C 606, o porofetile, ka baka la dibe tsa bona le bokgopo, hore ba tla dula dilemo tse mashome a supileng.

⁷⁶ Le a hopola, ho no ho hlahe moporofeta e mong tsatsing leo. Ha ke kgone ho bitsa lebitso la hae ha jwale. Mohlomong ke tla le fumanela lona e—e metsotsong e mmalwa, ha nka sheba morao nakwana. Empa a nyoloha mme a re, “Jeremia, o fositse. Modimo o tla boloka Isearaele matsatsi a makana feela tlase mona, a re a makana, dilemo tse ka bang pedi.”

⁷⁷ Jeremia a re, “A ho be jwalo. Amen.” A re, “Empa be butle motsotso. Nna le wena re ke re eletsane, jwaleka baporofeta.” A re, “Hopola, ho bile le ba porofetileng pele ho rona, mme ba bua dintho tse neng di fosahetse. Mme Modimo wa sebetsana le bona ka ho bolela dintho tse fosahetseng. Ka baka leo, re ke re kgodisehe. Empa Morena Modimo o itse ho nna ho sa setse dilemo tse mashome a supileng.”

Modimo wa otla moporofeta eo wa bohata, mme wa nka bophelo ba hae hona selemong seo, ka hobane Modimo o no o boleletse moporofeta enwa wa nnene hore ho ne ho ena le dilemo tse mashome a supileng.

⁷⁸ Mme ke batla le lemohe kamoo Daniele, leha e ne e le molata, a lelekilwe tjhabeng sa habo, a lelekilwe kerekeng ya hae, ho se tshebeletso e le nngwe ya kereke, a sa tsamaye kereke e nngwe, ho se difela tsa letho tse binwang haese ho bina ka boyena, hara tsena tsohle, a nna a itshwarella ka se boletsweng ke moporofeta. Amen! Amen!

⁷⁹ Ho se kereke a e tsamayang, ho se motho ya buisanang le yena; e mong le e mong a ya tempeleng ya bohetene, motho ka mong a sebeletsa diseto tsa hae. Ho se difela tsa Bakreste; ho se motho ya dumelang jwaleka yena. Mme dilemong tse mashome a tsheletseng a metso e robedi, ho tloha esale mohlakana ya ka bang leshome le metso e mmedi, dilemo tse leshome le metso e mene, mohla a na a iswa mono, a dula a tshephala ho Modimo; mme a utlwisia ka moporofeta Jeremia hore matsatsi a se a batla a phethehile.

Kamoo taba eo e ka lemosang pelo ya moporofeta ofe feela wa nnene wa Modimo kajeno, ha re sheba morao le ho bona se boletsweng ke moporofeta enwa wa nnene, le ho tseba hoba re nakong ya qetelo.

⁸⁰ O boletse, “Ke utlwile ka dibuka hore Jeremia, moena, dilemo, lemong tse ngata tse fetileng, o porofetile hore Iseraile e tla dula mona dilemo tse mashome a supileng. Mme nako eo e se e batla e phethilwe.” Mme yaba o a itlhophisa. Mme a memela

ho itima dijo, mme a ikhalaletsa, mme eitse ha... melora le kobo e mahwashe, mme a kgurumetsa hloho ya hae, mme a itima dijo le ho rapela, ho utlwisia ka tsatsi leo re phelang ho lona.

⁸¹ Mme haeba Daniele, moporofeta wa Morena, a na a ka botsa dibuka tsa Jeremia, le ho mmea sebakeng se jwana; hoo esita le Iseraele ha e tswa, bohole ba phela, ba tswa Babilona, ho kgutela lehaeng, ho ka mo qosa ho itima dijo ka diaparo tse mahwashe le melora. Ke hakakang e tshwanetseng ho sebetsa jwalo ho Kereke ya Modimo o phelang, ho tseba hoba nako e ntse e nyamela mme ha e sa tla ba teng; le ho Tla ha Morena Jesu Kreste, mme Mileneamo o moholo o le mothating wa ho kena! Re ka qeta nako e se nang thuso jwang, ho kembola, ho tola dikgatamping ka diSontaha, ho se nako ya Morena? Ho matha feela... Ha modisa a bua ka ntho e nngwe eo o sa e rateng, o a ema o tswela ka ntle. Mme ha-ha kereke e tshwarwa nako e telele, kgele, o-o, o a-ha o a kgotsofala. Shebang maemo a rona. Shebang seo re se etsang.

Bapisang maphelo a rona le moporofeta eo. Monna a le mong, mmusong o le mong kaofela, ho se kereke a e tsamayang, mme ho se eo a ka yang ho yona. E ne e heleditswe mme e tjhesitswe; motse wa habo, batho ba habo ba holehilwe. Dilemo tse mashome a tsheletseng a metso e robedi! Mashome a tsheletseng a metso e robedi, mashome a tsheletseng a metso e robong, mashome a supileng; a setse ka dilemo tse pedi. Ka hona eitse ha a qala ho bala bukeng mme a bona nako e ntse e atamela ho phethahatsa, ho tlatswa, a ya ho Modimo thapelong, ho fuputsa ka yona.

⁸² Nako e kakang! Re etsang? Hodima, “Ditjhaba di a thothomela; lewatle le a hoba; pelo tsa batho di hlolwa ke tshabo; nako tse bohloko.” Dintho tsena tsohle, ke mongolo o leboteng. Karohano ya morabe; mefuta yohle ya bobo e tswellang lefatsheng; le dikgang, le dintwa, le dikgohlano. Le dibetsa tse leketlileng mehahong ya difofane, moo setjhhabana se le seng ka kaa Cuba tlase mona se ka senyang lefatshe ka metsotso e leshome. Mme di phehisana kgang, banna ba hlokang borapedi ba sa tsebeng Modimo mme ba sa tsebe matla a Hae.

Mme Moya o Halalelang ka hara Kereke, o tsamaya hara Bakgethuwa, ho Ipontsha a phela ka mora dilemo tse dikete tse pedi, hore ke Yena maobane, kajeno, le ka ho sa feleng. Re ka dula ha bohlaswa jwang? Re ka e tlodisa jwang mahlo hodimo? Ke nako ya hore re ka be re hlahloba, ho lebella hora e kgolo eo e atamelang.

⁸³ Jwale, o badile ho Jeremia, kgaolo ya 25. A re phetleng ho Jeremia, kgaolo ya 25, mme re bale se boletsweng ke Jeremia. Hantle-ntle, a re qaleng temaneng ya 8, hobane ke... Ke batla le e tshware ruri. Temana ya 11 ke yona eo ke e ngotseng mona ho e bala, empa a re qaleng temaneng ya 8.

Ka baka leo ho itswe ke JEHOVA wa makgotla; . . .

Ke mpa ke rata hoo feela. Ha ke utlwa moporofeta a ema ka HO RIALO MORENA MODIMO, moena, ke yona. Ho nna, hoo ho fedile. Ke phetho ka yona.

. . . ho itswe ke JEHOVA wa makgotla; Ereka ha le sa ka la utlwa lenseswe la ka,

Bonang, ke ya romela ho lata merabe yohle ya leboya, ho bolela JEHOVA, le yena Nebukadnesare morena wa Babilona, mohlanka wa ka, mme ke tla ba tlisa hape. . . . ho lwantzha lefatshe lena le baahi ba lona, le ditjhaba tse potileng mathokong, ke di neele anathema, . . .

Hopolang, e ne e le bakgethwa ba Modimo bao A buang ka bona. E ne se bahetene. E ne e le maloko a kereke.

Ke tla kgutsisa ho bona lenseswe la thabo, . . . lenseswe la nyakallo, (jwaleka ha re fumana kajeno, rokon-rolo yohle, Ricky le Elvis,) le, oho, lenseswe la monyadi, . . . lenseswe la nonyana. . . . kapa, monyaduwa, ke rialo, modumo wa lelwala, . . . lesedi la lebone.

Lefatshe lena lohle le tla etswa tshenyo, . . .

Utlwang ha moporofeta eo ha a howa, “Lefatshe lena lohle se tla etswa tshenyo!” Mme ha ke etsise mohlanka e moholo enwa wa Modimo, empa ke porofeta hore setjhaba sena sohle se tla etswa tshenyo. Modimo o tla ahlola setjhaba sena ka baka la dibe tsa sona. Ha Modimo a sa tlohela Iseraele, mokgethwa wa Hae, Peo ya Abrahama, eo A hlabileng selekane le tshepiso le yona, ha A sa ba tlohella ka tlolo ya ho etsa bobe; leha ba ne ba tletse borapedi ho fihla setsing, ba ena le dikereke tse kgolo, le baprista, le borabi; empa ka baka la maitshwaro a nyehlileng le dintho hara bona, yaba Modimo wa ba kotudisa seo ba se jetseng, le rona re tla e fumana ka ho tshwana. Temana ya 11:

. . . lefatshe lena lohle le tla fetoha tshenyo, le . . . makatso; . . .

Ke ho re, motho ka mong o sheba mme o re, “Ke bao. Ba ne ba phahame ha kakang. Ba shebeng jwale.”

. . . mme ditjhaba tsena di tla sebeletsa morena wa Babilona ka dilemo tse mashome a supileng.

Ke nako e baletsweng bophelo eo. Ke mohla leqheku, nkgon'a ya ratehang e ne e le lesea. Ba le mono ntle le Modimo, ho se kereke, ho se sefela, ho se letho, moloko wohle, ho fihlela moloko oo o etsang sebe o shwele tu.

Empa etlare hobane, dilemo tse mashome a supileng di phethehe, ke tla kgalemela morena wa Babilona, le

setjhaba sa teng, ka bokgopo ba bona, ho bolela JEHOVA, ke kgalemele le setjhaba sa ba-Kalde, ke le fetole tshenyen ka ho sa feleng.

Mme ke tla hlahisetsa lefatshe leo mantswe wohole ao ke a boletseng bakeng sa lona, a ngodilweng kaofela bukeng ena,e leng se porofetilweng ke Jeremia hodima setjhaba tsohle.

Hobane le bona—bona ba tla bewa ka tlasa ditjhaba tse kgolo le mebuso e meholo: mme ke tla busetsa... bona ka diketso tsa bona, le ka mantswe a bona a matsoho a bona.

Hobane Jehova Modimo wa Iseraele o mpoleletse a re; Nka senwelo sena sa veine ya ka, o tle o se nwese, ditjhaba kaofela, tseo ke o romelang ho tsona.

Ka mantswe a mang, “Jeremia, Ke o neile molaetsa. O se ke wa ikgutsetsa. O se ke wa dula nqa e le nngwe, o mpe o porofetele ditjhaba tsohle.” Na le e sala morao? [Phuthetho e re, “Amen.” —Mong.] “Porofetela setjhaba sohle. Bontsha dipontsho tsa Ka le meeka, mme ba tsebe ke hona hobane Ke tliro etsa sena.”

Hore di nwe, di thekesele, di hlanye, pontsheng ya lerumo leo ke le rometseng hara tsona.

⁸⁴ Ba etsang tsatsing lona lee? Ba o bitsa e—e moporofeta wa bohata, ba o bitsa moqeki, ho o bitsa e—e lehlanya, senohe, kapa molori wa ditoro, kapa mmadi wa mohopolo wa mofuta o itseng. “Ba tla hlanya!” Mme lenseswe ho *hlanya*, ha le qhaqhollwa, le bolela “ho lahlehelwa ke kelello.” “Ba tla lahlehelwa ke kelello ehlile, mme ba re, ‘Aa, le se natse mothethehi eo ya halalelang, tseketseke eo,’ ka baka la Lentswe leo Ke le rometseng hara bona.”

⁸⁵ Na le bona ho ipheta-pheta ha hisitori? Jeremia o na a sa dumellane le Bafarisi ba bona, Basadusi, Maheroda, ntho efe feela eo ba ka bang yona. Yena, a mpa a ntsha Lentswe feela, mme La ba hlantsha kgahlano le yena. Eng? Jwale lemohang.

Mme yaba ke nka senwelo letsohong la JEHOVA, ka se nosa ditjhaba tsohle,...

Jeremia ha a ka a dula lapeng. Jeremia ha a ka a dula nqalong e le nngwe e nyenyane, empa a se nosa ditjhaba tsohle.

...tseo JEHOVA a nthometseng ho tsona:

⁸⁶ Jeremia a nka Lentswe la Morena, veine ya Lentswe la Hae. Mme veine ke matla a Lentswe la Hae. Veine e na le matla. Veine ke tahi. Veine e na le matla ho yona. “Mme ke ile ka nka Lentswe la Morena,” Jeremia o boletse, “mme ka Le bonahatsa. Veine, matla a ho Lona, ke a hlakisitse pontsheng ya bona, mme ba hanne ho Le utlwa.”

Modimo wa re, “Ka hona Ke tla ba isa Babilona dilemo tse mashome a supileng.” Ke seo A ileng a se etsa hantle. Ba lokileng le ba sa lokang ba ya, ka ho tshwana.

⁸⁷ Jwale, morao thutong. Daniele o ne a ntse a bala. Nahanang feela, Daniele o badile ona Mantswe ao re a balang hoseng hona. Daniele o badile Bibebe yona, matshwao a le mang, dipolelo tse tshwanang, tsona dintho tseo nna, ka thuso ya Modimo, ke tla le balla tsona Melaetseng e mmalwa e latelang, ntho e tshwanang, ho le bontsha hore re nakong ya qetelo.

Mme Daniele, a nka Lentswe ho tswa ho Jeremia, a theohela Babilona. Mme e ne e le moporofeta ya tlotsitsweng. Mme a etsa mehlolo, pontsho, a kcona ho fetola dipuo tse sa tsejweng, mme a etsa dipontsho le meeka hara bona. Leha ho le jwalo, a eme a le mong, ka boyena! Amen! A ema a le mong.

⁸⁸ Empa Jeremia o ngotse Mantswe ana dilemo tse ngata, pele ho moo. Mme Daniele, ha a toloka Lentswe, a fumana... “Be, jwale be butle. Re atamela nako ya qetelo, hoba ke se ke dutse mona dilemo tse mashome a tshelela le metso e robedi. Mme moporofeta wa Morena,” amen, “moena wa ka, moporofeta wa nnete wa Modimo a ipakileng e le moporofeta, o ile a re porofetela. Ke se ngotse bukeng mona, moo se itseng, ‘Dilemo tse mashome a supileng di tla phetheha.’ Oho Morena Modimo, re atamela qetelo. Moloko oo o shwele wohle. O ttilo etsang jwale, Morena? O tshepisitse ho re romella...” Mme yena ka boyena a itlhophisa, ho rapela.

⁸⁹ Oho Modimo, ha ho kile ha ba le nako eo e re lokelang itlhophha, ho rapela, ke jwale. Hobane, rona jwaleka mohlanka wa Hae wa nnete, re bona, ka Mangolo a moapostola, ka dikomelo tsa Moya o Halalelang, hore re tsatsing la ho qetela. Moya o Halalelang o a E bolela. “Matsatsing a ho qetela, batho e tla ba bakaki, bahlalefi, ba ratang menate ya nama ho feta Modimo, ba se nang ho tshepeha, ba etseletsang ba bang, ba sa kgoneng ho itshwara, le ba hloyang ba molemo.” Ke utlwisia ka Lengolo.

⁹⁰ Mme ke utlwisia ha basomi ba tla ba hlaha, tsatsing la qetelo. Ke utlwisia ha setjhaba se tla ba kgahlano le setjhaba, tsatsing la ho qetela. Ke utlwisia ho tla ba le maqhubbua a kgorohang, tsatsing la ho qetela. Ke utlwisia ho tla hlaha dipontsho tse nyarosang, tse kang dipirinki tse fefohang, lehodimong, dipontsho tse mohlolo, mme pelo tsa batho di tla ema ke tshabo. Ho tla hlaha dinako tse bohloko, le kgatello hara batho. Ke bala hore ba tla kena mekgatlong le diphutheho tse hlophilweng, mme ba hlabe selekane, tsatsing la ho qetela. Ke utlwisia ha basadi ba tla poma moriri wa bona tsatsing la ho qetela. Ke utlwisia ha ba tla apara diaparo tse kgutshwane, mme ba tsamaye ka dieta tsa direthe tse telele, ba rwarwaetse ha ba ntse ba tsamaya, tsatsing la ho qetela. Ke utloisia ho mekgoa

e tla nyehla matsatsing a qetelo. Ke utlwisia ha bareri etlaba badisa ba bohata tsatsing la ho qetela, ba tla qeka, mme ba ke ke ba fepa batho Lentswe la Modimo, empa ba tla sala ditumelwana le dintho morao, bakeng sa hona. Empa ke utlwisia ha ho tla hlaha Lentswe le tla fihla tsatsing la ho qetela, le howang feelleng, ho kgutlisetsa batho morao Molaetseng wa mantha, morao dinthong tsa Modimo. Ke utlwisia, ka Buka, hore dintho tseo di tla etsahala.

⁹¹ Ke utlwisia ha tlala e tla ba teng matsatsing a qetelo. Dikereke di tla be di hlophilwe hona, le ho hwama hakana le ntho e nngwe le e nngwe, hoo matsatsing a qetelo ho tla fihla tlala, mme e ke ke ya eba bakeng sa bohobe le metsi feela, empa bakeng sa ho utlwa Lentswe la nnete la Modimo. Mme batho ba tla tswa botjhabela, ho tswa bophirima, ho tswa leboya, ho tswa borwa, ba batla ho utlwa Lentswe la nnete la Modimo. Empa dikereke di tla be di hlophilwe hakana mme di pompetse, hoo ba tla sitwa ho Le utlwa. Ke utlwisia hoo ka Dibuka. Empa, tsatsing leo, Oho Modimo, Lekala le tla tswa ho Davida.

⁹² Ke utlwisia ha O tla romela Elia nakong ya qetelo pele tsatsi leo le fihla, mme o tla ba le Molaetsa o tla busetsa dipelo tsa bana ho bontate, ho di kgutlisetsa tshimolohong, ho kgutlela qetelong hape, le ho qala. Ke utlwisia ha seo se tla hlaha pejana feela Moya o tlohela kereke ya Baditjhaba, ho kgutlela ho Bajude.

⁹³ Mme ha ke utlwisse ka Lengolo feela. Ke utlwa ka Lentswe, ka Lentswe le ngodilweng, hore Israele e tla kgutlela lehaeng la yona; mme ke bona e kena teng.

⁹⁴ Ke utlwisia ka Mangolo, a baporofeta, hore Israele e tla fetoha setjhaba. Ba tla hloma tshebeletso ya tempele botjha. Modimo o tla sebetsana le yona hape mohla e fihlang lehaeng la yona. Oh! Baporofeta ba babedi ba tla hlaha matsatsing a qetelo, le bona mmoho. Ke utlwisia hoo. Nakong eo Kereke ya Baditjhaba e tswang feela, baporofeta ba babedi ba tla fihla, Elisha le Moshe, ho Israele. Re tla e utlwisia ha re ntse re haola.

⁹⁵ Moporofeta a bona hobane nako e ne e se e phethahetse tlase mono Babilona. Ke hantle.

⁹⁶ Gabariele o a hlaha, e seng ho senola feela seo a neng a se botsa, empa ho mmolella leeto lohle taba e neng e lekanyeditswe morabe wa Bajude, leeto lohle ho ya fihla pheletsong. Amen! O ile a kopa ho se hokae, mme a fuwa ntho yohle. O na a botsitse feela ho tseba...

⁹⁷ Daniele o na a leka ho fumana, “Ho tla ya hakae, Morena, na etlaba jwale? Jeremia moporofeta, mohlanka wa Hao, moena ka, o porofetile dilemo tse mashome a tshelela-robedi tse fetileng, mme a re, ‘setjhaba sena se tla dula dilemo tse mashome a supileng tlase mono.’ Moloko wohle wa kgale o se o batla o nyametse jwale.”

⁹⁸ Moloko wa kgale wa pentekosta o ile wa hlahla, dilemo tse mashome a mane tse fetileng. “Dilwani tsa kgale,” ba bitswitswe jwalo. Ba ile ba hlomphisa, ba otla, ba pheha kgang, tseleng yohle ya Horebe le Nebo, hohle moo. Empa, qetellong, re fihlile nokeng jwale. O tla emisa e motjha, le Joshua ya tla ba tshedisetsa. Molao o hlolehile; Moshe a feta le oona; Moshe o hlolehile. Joshua o ile a ba tshedis. Re fumana hobane mekgatlo e sitilwe, empa Moya wa Modimo... Joshua, lenseswe *Joshua*, le bolela “Jesu Mopholosi wa rona.” Hono, Moya o Halalelang o tla kena kahara Kereke. E seng mokgatlo, empa Moya o Halalelang o tla kena hara batho le ho Mo lokisetsa ho nyoloha, ho tshela Jordane. Ke utlwisia ka ho bala Buka hore ke se loketseng ho etsahala. Mme Modimo o a tseba hore ke seo ke batlanang le sona jwale, ke tle ke kgothatse batho ba Wona le ho ba bolella, ntho e atametseng, ba leng teng mona hoseng hona, le ba ka ntle kwana mafatsheng moo diteipi tsena di tla ya teng, lefatshe ka bophara, hore re nakong ya qetelo.

⁹⁹ A senola leeto lohle ho fihlisa moo Mmuso o ne o kgutliswa ka botlalo mme le dilemo tse Sekete di kena. Oo e ne e le molaetsa wa Gabariele. A re, “Ke tlie ho o bolella hore ho na le dilemo tse mashome a supileng, veke tse mashome a supileng, le jwale, tse badilweng hodima setjhaba sa heno, tse badilweng ho ya fihla qetellong ya moloko wa Bajude. Ho na le veke ya mashome a supileng.” Jwale hlokamelang seo a se boletseng. Hore jwale, ho tloha taelong e ntshitsweng ho tsoseletsa...

*Veke di mashome a supileng tse badilweng
hodima... motse wa heno,...*

“Motse wa heno.” Babilona e ne e se motse wa habo. Ke mang... Motse wa habo o ne o le hokae? Jerusalema.

¹⁰⁰ Jwale, ha re fihla ho—ho supa, kapa thasiselotso ya mekgahlelo e tsheletseng, re tla fumana hore motse oo ke ofe, le ho e theola le ho paka hore e ne e le mang, ya o fumaneng, moo o tswang teng. O tla ema nako e kae? Na o tla hahuwa hape? Ka nako efe? Oh, re boloketswe dintho tse kgolo. Ho lokile.

*Veke di mashome a supileng tse badilweng hodima
setjhaba sa heno le hodimo motse wa heno... ho
kwalla bobe,...*

Jwale, ha A re, “Daniele...” Ntle le pelaelo O mmoletse hore veke tse mashome a supileng e ne e le... Ke bolela, hore dilemo tse mashome a supileng di ne di se di batla di fedile. Mashome a tsheletseng a metso e robedi, ho haella lemo tse pedi feela. Mme re a fumana hore boporofeta ba Jeremiah bo otlike hantle botsekeng. Dilemo tse pedi hamorao, ba ile ba tswa. Nehemia a tswa mme a fuwa taelo ke morena, mme a haha lerako nakong tse bohloko. Ba ile ba sebetsa. A re, “Lerako...” Utlwang taba ena.

...kwalla bobe, . . . ho fedisa sebe, . . .

“Ho fedisa sebe.” Ho mang? Bajode. “Di badilwe hodima setjhaba sa heno,” e seng hodima Baditjhaba. “Hodima setjhaba sa heno,” Bajude. “Le motse wa heno,” e seng New York, e seng Boston, Philadelphia, Chicago, Los Angeles, Rome. Empa, “Hodima motse wa heno,” Jerusalema.

...le ho kwalla bobe, . . . fedisa sebe, . . . phekola tsa bokgopo, le ho hlahisa ho loka ho sa feleng, le ho tiisa pono le boporofeta, le ho tlotsa Sehaledisiso. (Hlokomelang!)

Tseba ke hona o utlwisise, hore, ho tloha taelong e bolelang hore Jerusalema o tla tsoswa o hahuwe ha e tswile (e ne e le motse wa habo) ho fihlisa... Motlotsuwa Morena ho tla feta veke tse supileng (ho tse mashome a supileng), . . .

¹⁰¹ Emang ho fihlela re kena tabeng eo! Oh, kgidi! Eo ke hlohonolofatso eo ke . . . Ke tla nka thapo mme ke nto ipofella sebakeng sena mona.

¹⁰² Ho e senola, tsela yohle ho theosa, ho re, “Nke ke ka bolella feela jwale hore dilemo tse pedi tseo di se di batla, di fela, ho phetheha.” Mme bohole re a tseba hore ba dutse moo dilemo tse mashome a supileng hantle, mme—mme ba tswa, ke taba e boletseng ke moporofeta hantle. Mme Esaia, kapa ke bolela hore . . . Daniele o dumetse moporofeta eo, ka hona ke enwa moo a ne a le teng, a itlhophile. Ho lokile. Mme a . . .

¹⁰³ Mme jwale, ha Gabariele a fihla, O ile a re, “Ke tlie ho o bontsha leeto lohle, ho o senolela dintho tsena, ke hore, leeto lohle ho ya fihla pheletsong.” Le a bona? Shebang.

...manyala a tshenyo, a tla dula tempeleng ho fihlela bofediso, . . .

¹⁰⁴ *Bofediso* ke “pheletso ya dintho tsohle.” “Ke tla o bontsha se tla etsahala.” Jwale utlwang. E tshwareng! “Nna . . . Daniele, ke romilwe. O moratuwa Lehodimong. Mme ke utlwile dithapelo tsa hao mme ke theohile jwale ho o bolella se badilweng hodima Bajode le Jerusalema, ho tloha hantle hona jwale ho fihlisa pheletsong ya bofediso, ntho yohle.”

¹⁰⁵ Jwale, le a utlwisia, tlelase? Ha re ka fumana seo veke tsena tse mashome a supileng di leng sona, re tseba mohla bofediso. Oh, kgidi! Modimo o re thuse ho bo tseba. E re jwetsa hantle kae-kae maqepheng ana, hantle ho tloha nakong eo ho fihlisa nakong ena, ho fihlela bofediso, mme e ke ke ya e fosa le ka motsotso o le mong.

¹⁰⁶ Kamoo Lentswe le leholo la Modimo . . . Mohla Modimo o no o etsa lefatshe mme o le thea tselaneng ya lona. Mme ke ne ke rera bosiu bo bong, Sontaha bosiu, kamoo ho seng letho le hloleheng. Kgele, lefatshe lena le phethoha ka phetheho hakana

hoo ba ka o bolellang hantle mohla letsatsi le kgwedi di tla fetana, dilemo tse mashome a mabedi ho tloha jwale, ho fihla motsotsong wona-wona. Nka se khone ho le jwetsa, tshupanako efe feela eo re nang le yona lefatsheng; e tla lahla metsotso e mmedi kapa e meraro ka kgwedi, kapa e eketse metsotso e mmedi kapa e meraro, e kgabane ka ho feta eo re e fumanang. Re ka se kgone ho etsa letho le phethahetseng hakaalo. Hobane, ho na le ntho e le nngwe feela e phethahetseng, ke Modimo. Mme Modimo le Lentswe la Wona ke ntho e le nngwe, ka baka leo Lentswe la Modimo le phethahetse.

¹⁰⁷ Mme ha re ka fumana matsatsi ana, re tla fumana hantle mohla bofelo bo fihlang. Le a e tshwara? [Phutheho e re, “Amen.”—Mong.] “E badilwe ho fihlisa bofelong.” Temana ya 24, “setjhaba sa heno le motse wa heno o halalelang,” e leng Jerusalema. Ke tshwere ya 21... temana ya 24 mona. Jesu o ile a lebisa tabeng ena ho Mattheu 24.

¹⁰⁸ Jwale, Moena Collins, ha a le teng mona hoseng hona, ha ke tsebe o teng kapa tjhe. Dipotsong tsa bosiu bo bong, o ile a botsa potso. (Ke kgolwa ho itoketse ho e bua, Moena Collins.) Mabapi le “Manyala a bofediso,’ le a bona, se ne se bolelwa ke hoo?”

¹⁰⁹ Jesu o buile ka yona, ho Mattheu kgaolo ya 24, mme re a fumana. Eya, Mattheu 24:15. Jwale e reng ke le fumane ka potlako ruri, le tle le bone seo, Jesu o bua ka ntho yona eo mona, o lebisa morao ho Daniele. Mattheu 24:15, ho lona ba le ngolang. Ke batla hore lona, e mong le e mong jwale, haholo bosiusing bona le—le Sontaha se hlahlamang, le tle le dipensele le dipampiri, hoba re a... ntle leha o na le teipi. 24, le temana ea 15, “Mme etlare...”

*Mme jwale etlare ha le bona manyala a bofediso, a
boletseng ke moporofeta Daniele,...*

Nahanang! Mona ke makgolo a mane le mashome a robedi a metso e meraro,—nne,—hlano, dilemo tse mashome a robedi le metso e tsheletseng pele ho nako. Dilemo tse makgolo a mane le mashome a robedi a metso e tsheletseng pele ho nako.

...*moporofeta Daniele, a ema nqalong e
halalelang,*...

Jwale shebang Bibeleng tsa lona. E ka masakaneng.

...*(ya balang, a lemohe:)*

¹¹⁰ Jwale, O bua le Bajode. Ba batla ho tseba, “Ho tla etsahalang ka tempele ee? E tla sengwa neneng? E tla tsosoa neneng? Nako e tla fihla neneng moo ho sa tlo hlola ho sala lejwe hodima le leng? E tla ema nako e kae?”

¹¹¹ O boletse, “Ha le bona ‘manyala a bofediso, a eme mohla...’ Daniele, ‘a eme nqalong e halalelang.’” Ha thwe, “Ha le bona sena le hlaha, ya balang a lemohe seo a buang ka sona.”

Ke ka hona re rapelang Modimo, ho phethisisa seo hakana, hoo ho sa tlo hlola ho sala seriti se le seng sa pelaelo. Hobane, ha rea lokela ho kenya boithhalosetso ba rona dinthong tseo. E ka kgona e tle ka HO RIALO MORENA. Ka baka leo, ke e tlohela hona moo hantle ho fihlela ke utlwisia.

Ho mo senolela dintho tsohle, “manyala” ao.

¹¹² Mme, le hopole, e na le moevelo o menahaneng, jwaleka, “Ho bitsa mora wa Ka Egepeta.” Jwaloka ha Iseraele e ile ya bitswa; ho bile jwalo le ka Jesu, Mora wa Hae, ya bitsoang.

Mme hoo ho tla etsahala ka ho phethahala, jwaleka ha ke eme mona ka ho tiea. Mme O sebeditse ka mokgwa, mme O e patile ka hoohole, ho e patela Kereke ka hoohole. Oh, ha re kena nthong eo, kutlwisisong eo ya mekgahlelo e tsheletseng, kamoo A e patetseng Kereke ka hoohole; Kereke e tle e fadimehele motsots o mong le o mong, e sa tsebe mohla A n'a tla tla. Empa jwale mongwaha wa Kereke o se o batla o fedile, ka hona ho itokisetswa ho Khutla hape, ho itokisa feela.

¹¹³ Ke Mangolo a mang a bohlokwa-hlokwa ka hara Buka. Le etsang? Le bolela ho kwalwa ha setjhaba sa ba-Jode, batho ba ba-Jode. Lengolo lena, veke tse mashome a supileng, di hhalosa le ho bolela hantle ho tloha mohla Daniele a ne a qala mono, ho fihlisa pheletsong ya bofedis. Ke e nngwe ya ditshupanako tse kgolo. Ke ba bakae ba nkutlwileng ke re, “Ha o batla ho tseba tsatsi la veke, sheba alamanaka. Ha o batla ho tseba nako eo re phelang ho yona, hlokomela Bajode”? Ke hantle. Ke eo alamanaka ya Modimo, e nkilwe mona hantle. Moithuti ofe feela wa thutabomodimo, moithuti ofe feela wa Bibele, mang le mang, o tla o bolella hore ena ke tshupanako, Bajode.

Jwale re na le nako e kae? Re feela...batho, ho a tjhesa, oh, ke...

¹¹⁴ Ha ho moo e amang Baditjhaba teng; Ditiiso tsena tse Supileng, Dikotlo tse Supileng, Dikotsi tse Supileng, Diterompeta tse Supileng, ha di amane le ka ntho e le nngwe. Kereke ya Baditjhaba e tla be e le Kganyeng nakong eo. Ha ho moo e re amang teng, Kereke ya Baditjhaba. Di sebetsana le Iseraele feela. “Daniele, setjhaba sa heno le Jerusalema.”

¹¹⁵ Jwale, le ho hhalosa dinnete tsa hore Modimo o sebetsa le Bajode ha ba le lehaeng la bona feela. Alleluia! Ke hona moo ke nahangan hore e otlide botsekeng, hantle mono.

Ba leka kamehla ho e bea ho tloha mohla Iseraele e ne e le mehleng ya Daniele. Mme mongodi e mong e moholo... Hobane, kea tseba ba bang ba balatedi ba hae ba dutse mona, nke ke ka e bua. Empa ke ka baka leo ba ileng ba nka ntho ena yohle ya bohata.

¹¹⁶ Na le tsebile kamoo ma-Millerites, pele ba fetoha ma-Sabbatha, seo ba se entseng hodima mona? Ka 1919, ba ile ba

itlhoma diphuka tsa bona, (le e bone yohle pampiring ya Courier), mme ba hlwella hodimo mona ho fofa, hoseng hoo. Hoo e le ho nka veke tse mashome a supileng tsa Daniele. Uh-huh, Millerites. Hamorao, ea tla ka Mof. Ellen White, e le moporofeta wa bona wa mosadi, a nto hlanoha mme ba ipitsa Seventh-day Adventists. Mme jwale ba fetoletse lebitso la bona The Voice Of Prophecy. Le a bona? Mabitso a mararo a fapaneng a mokga o le mong.

¹¹⁷ Jwale, empa ba ne ba fositse, hoba ba ne ba leka ho bea veke tseo tse mashome a supileng ho Bajode le Baditjhaba mmoho. Mme O a bua mona, "Ke bakeng sa tjhaba sa heno." Mme Modimo le ka mohla ha eso sebetse le Mojode a le ka ntle ho Palestina. Mme mohla Messia, ho mashome a supileng, le veke tse pedi, a ne a kgaolwa, (eseng ka baka la Hae; bakeng sa rona, o ne a kgaolwa), Iseraele e ile ya qhalangwa, mme le ka mohla (ho hang) ha eso kgutlele lehaeng la yona haese ho fihlela dilemong tse mmalwa feela tse fetileng. Ka baka leo, nako e ne e sa ballwa mongwahakgolo wa Kereke mono. Le a e tshwara na? [Phutheho, "Amen."—Mong.]

E ke ke ya ba 1919. Nka le supisa hore ho na le taba e hlahleng ka 1919, empa ke mohla Lengeloi leo, molaetsa wa Lengeloi la boraro o no o kgaruma mme Kotsi e tsholloa. Hantle haholo. Empa e ne e se... Ke mohla ntwa e emisang ka mohlololo. Re fumana taba eo kgaolong ya bo7 ha re fihla ho yona, ha re fihla kgaolong ya bo 7. Le nkutlwile bohle ke rera taba eo, hangata, le a bona, mohla molaetsa wa Lengeloi o no o re, "Thiba meya e mene ya lefatshe ho fihlela re tshwaya Bajode, bahlanka." Mme, jwale, ba nnile ba lebella ho fihlela mongwaha wohle wa Baditjhaba o fedile.

Jwale ha A kena, ke honajwale mohla A tshwayang Bajode, dikete tse lekgolo le mashome a mane a metso e mene di amohela Moya o Halalelang. Ke tseo dikekgo mas home a mane le metso e mene, tse tshwauwang. Tshenolo wa 7. Le e badile.

"Yaba ke bona palo e kgolo e se e le Lehodimong," Johanne a bona, "ba mefuta yohle, dipuo, le setjhaba, mme ba ema pela Modimo, ba tshwere dipalema matsohong a bona, ba apere diaparo tse tshweu, ba bina. 'Alleluia! Amen! Kganya, bohlale, thoriso, boholo, matla, ho Modimo wa rona kamehla le mehla. Amen!' ba hweletsa."

¹¹⁸ Johanne a sa utlwisisse mohlang oo. Empa a hetla mme a bona Thabeng ya Sinai, (thoriso) dikekgo mas home a mane le metso e mene tse sa itshilafatsang ka basadi. Bajode! Basadi, dikereke! Ba sa ka ba ikgomathisa le mekgatlo ya letho, Luthere, Methodise, Baptise, le Presbeteriene. Empa e sa le e le Bajode ho tloha tshimolohong, Orthodox, mme ba ne ba hlomile tempele ya bona mono, ba rapela Thabeng ya

Sinai. Ke ba dikekgoło mashome a mane le metso e mene bao. Ke ka mora ho feta ha taba ena; Kereke e se e ke Kganyeng. Le a bona?

¹¹⁹ Ka baka leo, Mong. Smith o ne a fositse, o ne a loketse jwalo. Hobane, le ka kgona jwang ho kenyeltsa taba eo tlase mona ka 1919, ho ntsha dikekgoło mashome a mane le metso e mene? Le tla be le kgutle ho bo-Russelite hape. Le a bona? Le tla be le kgutletse thutong ya bo-Russelite hape, ya ho re, "Jesu o tlide ka 1914. Ka 1919 A nka Kereke ya Hae. Mme ha jwale Ke mmele o phelang o tsamayang hohle lefatsheng, o ntse o tsosa... o ya lebitleng la nkongo le lebitleng la ntatemoholo, mme o nts'a ba tsosa, bao bohle e neng e le ma-Russelite." Mepoto! Ha e etse kelello Lentsweng. E ke ke ya loka. Tjhe, monghadi. Ha e loke.

¹²⁰ Empa, Modimo o tshwere Nnete. Mme Modimo ke Yena Ya ka E senolang le ho E kenya mono, le ho E bontsha rona hantle. Le a bona? Ke dumela O tla e etsa. Ha ke e tsebe. Ke le bolella Nnete. Ha ke tsebe, empa ke ntse ke dumela. Ke dumela O tla e etsa.

¹²¹ Ka baka leo, le a bona, Modimo ha eso sebetsane le Bajode. (Ke batla le boloke taba ena mohopolong) ha feela Iseraele...

¹²² Ke mohla ke ne ke leka ho bolella moena ya dutseng mona, ya buang ka ho etela Iseraele, itshole ho Iseraele! Itshole ho yona, lona batho ba buang ka ho sokolla Bajode. Pele Molaetsa wona o feta, le tla bona hore ke HO RIALO MORENA, ka Lentswe le ka Moya. Iseraele e tla sokollwa, setjhaba sohle, ka bosiu bo le bong. Bibebe e itsalo. Empa Evangedi ha e a lebiswa ho bona le hona. Ho na le bakwenehi ba mmalwa ba fapohileng, le ba jwalo, ba kenang ka hare, ba le ka ho ntle ho mmele wa sehloho wa Bajode, ba kenang mme ba bolokeha. Ke nnete. Ke dumela hoo ka pelo ya ka—ya ka yohle.

Empa, hopolang, ha feela Iseraelel e le ka ntle ho setjhaba sa yona, ba ke ke ba bolokeha. Jwale ba a kgutla. Mme ba tla pholoswa, setjhaba sohle kaofela, ka tsatsi le le leng. Bibebe e itsalo. Tsatsi le le leng; le tla kgutlisetsa, ka botlalo, Iseraele yohle ho Modimo hantle. Ho tla ba le ntho e kgolo hakana e khahlolang Iseraele le leng la matsatsi ana, ho fihlela e sisintse setjhaba sohle. Esita le moporofeta o ile a hweletsa, mme a re, "O entse taba ena ka tsatsi le le leng." Ka letsatsi le le leng, ba tla E bona. Ho tla hlaha ntho e matlahadi.

¹²³ Mohopolong wa ka, ho tla hlaha moporofeta ya matla mme a eme pela Iseraele, mme a ba kgodise hore Messia eo o sa ntse a phela. Messia yena eo ba mo hanneng ke...?...

¹²⁴ Ba bala Bibebe eo e nyenyane hona jwale, Bibebe ya Iseraele. Ba E bala ho tlaha morao ho ya pele, kamoo ba E balang kateng. Mme le tseba kamoo puo ya Sejode e ngotsweng kateng. Mme ka baka leo ha ba E bala... Mme ba bala eo eo

Lewis Pethrus a ba romeletseng yona, Dibebele tse milione. Ba ile ba re, "Haeba Jesu enwa . . ." E le Bajode bao ba tlisitsweng ba tswa tlase Iran, le tlase moo, ba eso utlwe letho ka ntho e kang Messia. Mme yare ba sa itlhophisetsa ho kgutlela lehaeng la bona, kgele, ba latola ho palama difofane tseo. Ba ne ba lema ka mehoma ya sekgale. Le bala taba eo makasineng wa *Look*. Ke ba bakae ba badileng diratswana tseo ho *Look* le *Times* e leng dimaka- . . .? Kgele, ehlile le e badile. Le a bona? Ba latola ho hlwella mono. Rabbi eo wa leqheku a tswela ka pele moo mme a re, "Hopolang, moporofeta wa rona o boletse ha re tla kgutlela lehaeng ka dipheyo tsa ntsu." Alleluia!

Ditjhaba di a thothomela, Israele e a phaphama,
 Dipontsho tseo Bibele e di boletseng;
 Matsatsi a Baditjhaba a badilwe, ka tsietsi tse phophothang;
 "Kgutelang, Oho ba hasaneng, habo lona."

¹²⁵ Le mpe le phaphame. Le e utlwile la ba la e utlwa, la ba la e utlwa, empa e tla ba kgetlo la ho qetela, ka le leng la matsatsi ana. Iseraele e boela lehaeng la yona. Tsatsing leo Modimo o qetang ka hore Iseraele ke setjhaba, ke lona tsatsi leo ho sa tlo hlola ho ba le Moditjhaba ya bolokehang.

¹²⁶ Ke tla kgodisa taba eo ka veke tsena tse mashome asupileng, ha feela nka fumana matsatsi ao. Ke tla etela kwana . . . ho fumana dikhalaendara tsa astronomi, le—le tsa Juliane, astronomi, le tsa Seroma, le tseo tsohle. Ho na le dintho tse ding, kae-kae. Ntho e teng kae-kae. Modimo o a e tseba, mme, O—O kgona ho e senola. Le a bona? Ke a tseba khalaendara ya Julian e na le matsatsi a makgolo a mararo le mashome a tshelela le metso e mehlano le kotara e le nngwe ya letsatsi, selemong. Ka baka leo, oh, bohole ba ferekane, empa ho na le nnete, kae-kae.

¹²⁷ Ke bona dikereke tse ngata hakana, mekgatlo e mengata hakana, batho ba bangata hakana ba tswa ka hona, mme ba bang, "Ahe Maria," mme ba bang ba kgumamela *hona*, le *hwane*, ho *hong*. Eka kgona ho be le Nnete, kae-kae. Eka kgona ho be le Modimo, kae-kae. Eka kgona ho be le Molaetsa, kae-kae. Ke bona ho hlaha baporofeta ba bohata, ba iketsa hoja ba na le temoho ya meya, le dintho tsohle tse hlahang. Ka hona he, eka kgona ho be le ya sebele mono, kae-kae, eo moshaqane oo o qopiditsweng ho eona.

¹²⁸ Ke bona batho ba kena nameng, mme ba hweletsa, mme ba itshwara ka-hore-le-ka-hore, mme ba tswa ba phela mefuta yohle ya maphelo. Eka kgona ho be le Moya o Halalelang wa makgonthe mono, sebakeng se seng. Re bona batho ba iketsa barapedi, le ntho tse jwalo, mme ba leka ho halalela. Ke a tseba ho na le Modimo wa makgonthe, kae-kae. Ho na le Moya wa makgonthe, kae-kae, hoba eo ke moikaketsi wa kgale ya

qopiditsweng teng, moshaqane wa kgale. Eka kgona ho be le ntho ya makgonthe: monna, batho, Kereke, Modimo. Eka kgona ho be le ntho ya nnete, kae-kae, hobane tsena di kopiditswe ho yona. Ho na le ntho e tiileng, kae-kae.

¹²⁹ Ke boleletse kereke ena, mabapi le dinoe tsa lona. [Moena Branham o kokota sefaleng hane—Mong.] Utlozing dinoe tsa lona; di bolokeng ka hara Bibele. Le se ke la nka phapanyetso, hodima mahodimo a tletse dintho tsa nnete. A re baballeng tseo tsa nnete. A re bolokeng tsa nnete kapa re se be le tsona ho hang. Amen.

¹³⁰ Jwale, ntho e atametseng, ke ya hore Modimo o sebetsana le Israele ha feela e le lehaeng la yona. A re nkeng mohlala mohla Modimo... Abrahama o na a ngale mme a theohela Egepeta, ha etsahala'ng? A sutha thatong ho Modimo, mme a se ke a hlohonolofatswa ho fihlela a kgutlela lehaeng la hae. Modimo wa se ke wa sebetsana le yena, ho se pono e le nngwe, ho se letho feela, ho fihlela a kgutlela lehaeng la hae.

¹³¹ Shebang Israele mohla e ne e rometswe tlase Egepeta, dilemo tse makgolo a mane. Ho se mohlolo o le mong, ho se pontsho e le nngwe, ho se ntho le e nngwe e hlahang hara bona, ha ho rekoto ya letho e ngotsweng Bukeng. E sale yona mashome a robong le robong; ho ya kerekeng, ho nyehela konyana, ho re, “Ahe Maria,” kapa seo e neng e le sona feela, ba kgutlela. Selemo se latelang, ka ho tshwana. Baprista ba pheha kgang, “Rabbi *Sekete-kete!* Re tla khetha *Sekete-kete*. O na le mangolo a matle ho feta a sekolo. O tseba haholwanyane kaha Baegepeta.” Ntho ya pele le a tseba, bona le—le Baegepeta, ya e-ba ntho e le nngwe.

¹³² Ke yona ntho e hlahetseng kereke. Re tlohile ra fetoha Methodise, kapa Baptise, kapa Presbeteriene. “Mme re tshwere dikgau tse tswang Hartford! Re tshwere kgau e tswang Wheaton! Re tshwere kgau e tswang sebakeng se seng se sele, kapa Bob Jones! Rona, re na le Bachelor of Art! Re na le D.D., L.L.D., kapa ntho e nngwe!” Ho fihletswe sehlohlolo sa eng? Ulu-ulua mepoto.

Ho no ho le jwalo Egepeta. Mme Modimo ha o a ka wa sebetsa le Israele ho fihlela etla lehaeng la yona.

¹³³ Nkulweng! HO RIALO MORENA, Modimo a ke ke a sebetsana le Kereke ya Hae ho fihlela E kgutlela lehaeng la yona, Molaetsa wa hora. Kgutlelang nthong ya mantlha! Suthang menahanong ya lona ya Methodise, Baptise, Presbeteriene; ya lona ya Pentekosta, Assemblies, Oneness, Threeness, le Fiveness, e ka bang eng feela; kereke ya Modimo, Nazarene, Pilgrim Holiness, kereke ya Kreste, ke ditsamaiso tsa antikreste kaofela! Mme kea eleloa ntho ena e tea lefatshe. Tsohle di fosahetse; ke tsa Diabolosi tsohle. Oho, kgidi! Ho na le banna ba lokileng ka hara e nngwe le e nngwe ya ditsamaiso

tseo. Ho na le batho ba barapedi ka hara e nngwe le e nngwe ya ditsamaiso tseo. Empa mokgatlo, ka bowona, ha se wa Modimo, mme Modimo a ke ke a o hlohonolofatsa. Ha A e-so etse hono.

¹³⁴ Ke botsa ranalane ofe kapa ofe (le tla utlwa teipi ena) ho ngola le ho mpolella, nako le nako ha kereke e ne e hlophisa, Modimo o sa kang wa e faela shelefeng mme a se ke a hlola a sebedisana le yona hape. Mpolelleng mohla A kileng a tsosa Lutheran hape, Wesley le Methodists, kapa ya mo-Pentecostal. Le ka mohla! Mokgatlo oo o ile wa rapalla mono, mme wa bola wa ba wa puta! Modimo o ile wa ntsha batho ka bonngwe mme wa leka ho supisa batho morao lehaeng la bona. Mme hape, batho ba ile ba fokola haholo mme ba fetoha basadi hoo, ka mofuta o itseng wa digarata, ho fihlela ba bopile mokgatlo o mong, wa mo etsa ngwana dihele habedi ho feta kamoo a na a le kateng qalong.

¹³⁵ Empa, kae-kae, ruri, Jehova o na le motho eo A ka beang matsoho a Hae ho yena, ya ke keng a qekana le bona... borapedi, mokhatlo wa bokgopo; ya tla tjebelo batho, morao Lefikeng, Kreste Jesu, morao ho pentekosta ya tshimoloho le ho Moya o Halalelang wa ho qala, ka dipontsho tsa mantlha le mehlolo ya mantlha. Ruri O na le e mong, kae-kae, ya sa tlo tenyetseha tlasa mofuta ofe feela wa tlatlapo, a balehe, a tee kalala, a we, ntho efe feela eseles; ya tla dula le yona.

Modimo ha o hlohonolofatse Iseraele pele e fihla lehaeng la yona.

¹³⁶ Modimo a ke ke a le hlohonolofatsa lona, Methodist, Baptist, Presbetriene, Pilgrim Holiness, Nazarene, kereke ea Kreste, kapa—kapa mokgatlo wa Pentekosta. A ke ke a le hlohonolofatsa ka tsela eo. Kgutlelang lehaeng, tshimolohong, morao boiphihlelong ba pentekosta jwaleka ha ho etsahetse ka Tsatsi la Pentekosta ha Matla a Modimo o phelang a na a fetola dikete tseo tsa batho, mme o tukisa dipelo tsa bona ka Mollo wa Modimo, a bontsha ntho ya sebele; e seng mehlolo e qopiditsweng, e seng bohlajana ba kelello bo entsweng ke motho, e seng sesomo sa mofuta, le ho kena peisong ya dikgoto jwaleka ha re e fumana Amerika. “Ke mang ya ka hlomang tente e kgolo ho feta?” Kapa, “Ke mang ya ka bang le matshwele a fetisisang ka bongata?” Hoo ho etsa phapang efe ho Modimo? Modimo o batla batho ba tshepehang pelong, e seng letshwele le leholo. Mme re fumana peiso ya dikgoto mona, e mathwang. Ke dihlong tse kakang, ho bona hola re ke ke sa eketsa sekete mokhatlo wa rona. Ke lihlong. O re batla re kgutletse Nneteng, morao Moyeng, morao Leseding la nnete, morao mmileng ho Kreste, morao Nneteng. A ka re hlohonolofatsa jwang re sebetsa tjee? A ke ke.

¹³⁷ A se ke a hlohonolofatsa Iseraele ho fihlela ba kgutlela lefatsheng la pallo. Mme eitse ha ba fihla lefatsheng la pallo, mehlolo le meeka ya qala ya etswa. A roma monna hara bona

hantle, ya bitswang Moshe. Moshe enwa a theoha ka'ng, ka thutabomodimo e bentshitsweng? Na o ile a theoha ka digarata tsa Bachelor of Art? Na o theohile ka L.L.D., Ph.D.? A theoha ka matla a Jehova, le ka molaetsa, "Kgutlang, suthang naheng ena, le ye lehaeng. "Kgutla, oho wena ya qhalaneng, kgutlela, heno." Amen!

¹³⁸ E ka ba dilemo tse dikete tse pedi, Bajode ba tswile lehaeng la bona, ba qhalane meyeng e mene ya lefatshe. Kamoo re ka lelefatsang Molaetsa wona ka diveke jwale, hola re loketse ho lokodisa dintlha. Re ka sala Israele morao mme ra bontsha mohla e ne e qhalwa ke Empera ya Roma, ho haneng ha bona Messia; kamoo e ileng ya qhobelwa setjhabeng ka seng tlasa Lehodimo.

Ho kgutlela ho Jakobo, Israele, morao ho Genese 44 le 45, le ho bontsha morao mono kamoo a hlohonolofaditseng bapatriareka bao le ho ba bolella hantle moo ba tla be ba eme teng matsatsing a qetelo. Mme ka le supisa hantle (setjhaba ka seng) sa Israele, morabe ka mong wa Israele, o eme hantle feela ditjhabeng moo e boletseng hore e tla be e le teng. Mme ke rona bana kajeno.

¹³⁹ Mojode eo re mo tsebang, ha se Mojode wa sebele eo. Mojode wa makgonthe ke eo ya Orthodox ya sa kang a itshilafatsa ka dintho tsa lefatshe, ya sa kang a tswa mme a ikgomathisa dikerekeng tse ding. Ke bona ba kgutlang kwana, ba phela ka tjhisi le bohobe, mesikong ya thaba, ha ba dumellwe ka hara motse wa kgale. Ba ne ba loketse ho hahelwa motse ka lehlakoreng lena, lefatsheng leo e-seng -la-motho, ka dimatjhikane tse omang mahlakoreng bobedi. Empa se se se qala se hlahisa menoko ya sona. Amen, hape amen! Nako e haufi.

¹⁴⁰ Ishmaele le Isaaka ke bao, ba eme mono, ba tsekisana ka lefatshe, le jwale, empa ke la Israele. Ha o ka ya Jerusalema e ntjha, ba ke ke ba o dumella ho kena Jerusalema ya kgale. O tla tlameha ho ya moo pele mme ba o hlalosetse ntho yohle, ma-Arabo, ba nt'o o isa lehlakoreng le leng. Ke bana ba Ishmaele bao. Empa, emang, ho tla nako eo bana ba Modimo ba tla e hapa. Ke hantle. Jerusalema o tla hahuwa hape. Sehlabelo sa letsatsi le letsatsi se tla hlongwa.

Mme antikreste o tla hlabu selekane divekeng tseo tsa ho qetela tse supileng. Mme mahareng a yona, o tla roba selekane seo, ho ba neela bohle Bokatoliking. Manyala a tla jaleha hodima ntho yohle, ka mokgwa oo, mme e ntano ba pheletso.

¹⁴¹ Shebang, "veke tse mashome a supileng." Eya, e se ka ba dilemo tse dikete tse pedi ba le siyo. Ba qhobilwe jwale. Ke batho ba jwale ka mohla ho thatafatswang pelo ya Faro. O ne a loketse ho thatafatsa pelo ya Hitelara. Dimilione tsa bona tsa shwa. Shebang Eichmann enwa, o molato wa ho bolaya Bajode ba dimilione tse tsheletseng. Dimilione tse tshelela tsa bona,

meya ya batho, masea, bana, batho ba hodileng, bohle ba bolawa; Eichmann, monna a le mong. Shebang Rashiya, kamoo le ba lelekileng mono. Ba ba kgannela hohle. Ebile setjhaba se nyatsuweng.

¹⁴² Empa ka baka la lerato la bona la tjhelete, ba kgutla hape. Empa palonyana eo e kgutlela Palestina. Amen, baena! Ha le e bona e qala e kgutlela lehaeng la yona!

¹⁴³ Ho na le ba lekaneng moo ho etsa ba ka bang dikekgo lo le mashome a mane a metso e mene. Mme ho etsahalang? Ba tla tseba Josefa wa bona. Le se tshwenyehe. E, monghadi. Mme bohle ba eme moo ho emela ho etsahala ha yona. Mme yona hora eo...

¹⁴⁴ Ditjhaba di e phatlaladitse e le setjhaba, selemo se fetileng sena. Ha hoo ho fihla, re atametse qetelo, Kereke ya Baditjhaba e tsamaile. Ka baka leo, nako efe kapa efe, Modimo o ka nna wa re, "Iseraele ke setjhaba sa Ka." Ha e fihla, ho fedile ka Baditjhaba.

¹⁴⁵ "Ba tla hatakela," ho boletse Jesu, ho Mattheu 24. "Manyala a bofediso, ba tla hatakela marako a Jerusalema ho be ho fele nako ya Baditjhaba." Hoba hoo ho fete, ba Jude ke hona ba tla kgutlela Jerusalema, ho hloma tempele botjha le tshebeletso ya tempele. Re tla e ama yohle Melaetseng ena e latelang, veke tse mashome a supileng tsa morero o mekgahlelo e tshelela.

Jwale pele ke kwala ke tla e bala, hoba e tla be e se e le nako ya rona ya ho ya hae, re nto kgutla hape bosiusa bona ka hora ya bosupa.

¹⁴⁶ Pele, pele, haeba le ntse le ngola, "Ho kwalla bobo." Daniele, kgaolo ya 9, temana ya 24. "Ho kwalla bobo," wa pele. "Ho fedisa sebe," wa bobedi. "Ho phekola bokgopo," wa boraro. "Ho hlahisa ho loka ho sa feleng," wa bone. "Ho tiisa pono le boporofeta," wa bohlano. "Ho tlotsa Sehalaledisiso," wa botshelela. Mme ke seo re tla bua ka sona bosiusa bona. Modimo, o a phethahatsa!

¹⁴⁷ Jwale be butleng, e re ke e phete hape, le tle le e fumane. Pele, "kwalla bobo." Bobeding, "fedisa sebe." Borarong, "phekola bokgopo." Boneng, "hlahisa ho loka ho sa feleng." Bohlanong, "tiisa pono le boporofeta." Botsheleleng, "tlotsa Sehalaledisiso."

E re ke le balle yona jwale, ho tswa—ho tswa Bibeleng. Ke temana ya 24.

*Veke di...supile...tse badilweng hodima setjhaba
sa heno (Bajode) le hodima—le hodima motse wa heno
o halalelang (Iseraele, Bajode, Jerusalema), ho
kwalla...makgopo (nngwe),...ho fedisa sebe
(pedi),...ho etsa dipheko tsa bokgopo (tharo),...ho*

hlahisa ho loka ho sa feleng (nne), le ho tiisa pono (hlano)—pono le boporofeta, le ho tlotsa Sehalaledisiso (tshelela).

¹⁴⁸ Ke yona hantle ntho eo A tlileng ho mmolella yona, e ne e tla etswa, e ntano ba bofelo.

¹⁴⁹ Jwale, bosius bona re tla fumana seo dintho tseo di leng sona, le ho bona kamoo re atametseng mono kateng. Mme hape Sontaha le latelang, ho kenya le ho hlomamisa dielemente tsena tsa dinako moo re emeng teng hantle. Ke a Mo rata.

¹⁵⁰ Iseraele e kgutlela lehaeng la yona, Iseraele. E re ke bue taba ena jwale ho sa ntse... Ke a kgolwa ha e theiping. E re ke bolele taba ena. Yona hora eo Iseraele e fetohang setjhaba... Lebaka leo ke nnileng ka dumela ka lona, ka pela tlelase ya ka mona, ke hore ke tla ba le kabelo nthong e nngwe, pele ke e-shwa, ya ho kgutlisetsa Iseraele ho Morena. Hobane, yona hora eo, ho latela chate ea Pan American, eo Iseraele e ne e phatlatlatswa e le setjhaba, kgetlo la pele dilemong tse dikete tse pedi ho tloha e qhalane, e se setjhaba; e ne e le yona hora eo, horeng eo hantle, mohla Lengeloi la Morena le ne le kopana le nna kwana le nthoma ho... ka Evangedi. Yona ntho eo, Motsheanong 7, 1946.

¹⁵¹ Jwale, he, ntho e nngwe e ntsebisang. Ke “ho busetsa dipelo tsa bana ho bontate, le dipelo tsa bontate ho bana,” Molaetsa. Lemohang, Malakia wa 4 (e seng wa 3), wa 4!

¹⁵² Ntho e nngwe. Mohla Billy, mora wa ka, le nna, Moena Ern Baxter, re le leetong le yang Palestina, ka mora hoba re kopane le Bajode Moena Arganbright, mme ba bone tshebeletso. Lewi Pethrus o ne a rometse Dibebele tsena hodimo mono. Mme a re... Bajode ba ile ba tla, ba re, “Ha o ka bitsa sehlopha sa baetapele ba Iseraele, ke bolela, e seng borabi ba batjha bana mmoho le diboka tsohle tsa bona, empa ho bitsa baetapele ba nnete ba baIseraele hammoho. Mme re badile Testamente ena e Ntjha, mme re a tseba Messia mohla a tlang, O tla re bolella dintho tsena, jwale ka mosadi mane Samaria. Re a tseba Moshe o boletse ha Messia wa rona etlaba moporofeta. Mme ha o ka ba bolella wa ba bontsha, ka Lengolo,” leo re tla kena ho lona Molaetseng wa bosiu bona, “hore ba ne ba loketswe ke ho fifatswa mme le dipelo tsa bona di kgaolwe, e le hore lekgathe la Baditjhaba le kene, re tle re fumane nako ya pheko ho Baditjhaba. Mme dipelo tsa bona di ile tsa thatatswa jwaleka mehleng ya Josefa, le jwalojwalo. Mme o ntano bea Bajode bao madulong, ebe o bitsa batho bao letshweleng leo, jwale ka ha o etsa ho Baditjhaba bana mona, ka tshusumetso eo ya Moya.” Hobane, ba itse, “Ha Jesu enwa, ha E le Messia eo, mme mantswe a hao e le nnete, etlaba ha A shwa, mme O a phela. Mme haeba A phela, O tshepisitse ka hara ba Hae... ser... mohlanka wa Hae—bahlanka, barutuwa ba Hae. Mme ha re ka Mmona a etsa pontsho ya moporofeta, re tla dumela he hore ke Messia.”

Ke taba e phethahetseng hakakang, hantle haholo. Ha ho le jwalo, seo se tla etsang? Setjhaba se tla tswalwa ka letsatsi le le leng, hara baetapele. E mong le e mong wa bona O tla re, “Re a e tseba.” Ha rabbi eo a rialo, ho fedile. Setjhaba se tla tswalwa ka tsatsi le le leng. Iseraele e tla tswalwa ka tsatsi le le leng.

¹⁵³ Mme ke ne ke le leetong la ka, mme ke eme Cairo, Egepeta, ke tshwere tekete letsohong la ka, ho setse nako ya metsots e leshome-hlano kapa mashome-pedi ya ho hlaba mokhosi. Ba le mothating wa ho bitsa. Mme ka theoha ho bona sekotwana sena sa eboni, tlou e nyenyane e entsweng ka ebony, ka—ka lenaka la tlou. Mme ke ne ke tla e romela ho motswalle wa ka wa ngaka, Ngaka Sam Adair, bakeng sa boima ba pampiri. Mme ke ne ke e shebile. Mme Ntho ya re ho nna, “Hora ha e-so fihle. Itshole Palestina.”

¹⁵⁴ Ka baka leo ka nahana, “E ne e mpa e le nna ya nahangan hoo.” Mme ka tswela pele.

Ntho ya re, “Ena ha se hora.”

¹⁵⁵ Mme ka potela ka mora’ mohaho wa difofane. Ka phahamisetsa hlooho ya ka ho Modimo. Ka re, “Modimo, ke Wena ya na bua le nna?”

¹⁵⁶ Ha thwe, “Ena ha se hora. Itshole Palestina. Ena ha se nako.” Yaba ke nka tekete ya ka ka e fetola, mme ka tloha moo ka ya haola le Roma, le ho kgutlela Lisbon, mono ha Mapotoketsi, mme ho tloha moo ka kgutlela United States.

¹⁵⁷ Hora e ne e-so fihle. Bokgopo ba Baditjhaba bo ne bo e-so tlale, ho fihlela sehlohlolo sa senwelo feela. Empa ho tla etsahala tsatsi le leng, mme Modimo o tla romela motho e mong mono e le moporofeta, mme o tla ba kgodisa. Ke a tshepa Modimo o tla mo hlahisa hantle jwale, e leng hore ke mang, ho mo hlahisa kapele. Ke dumela e tshwanetse ho tla. Taba ena re e hlahlobela lebaka leo, hore re haufi haholo.

¹⁵⁸ Mme, hopolang, motsotsong oo Bajode ba amohelang Kreste, Kereke ya Baditjhaba e tsamaile. Dikotsi di nt’o tsholellwa hodima Baditjhaba, Matshwenyeho.

¹⁵⁹ Mme—mme ho tla jwang ha batho, baruti ba baholo ba ruta, mme ba shebile Bibele ena tjena, mme ba re Kereke e tla feta Matshwenyehong, hodima ho se Lengolo ka hara Bibele le e bolelang! Ha ba na ntho e le nngwe.

¹⁶⁰ Monna o na re ho nna, ha se kgale haholo, a re, “Oho, Sister McPherson o rutile hoba Kereke e tla feta hara Matshwenyeho, hoba mohlang oo re tla ba masedi a phatsimang.” Ke Iseraele mohlang oo, e seng Baditjhaba.

Baditjhaba ba se ba ile, Kereke. Ha ba lokela ho feta hara Matshwenyeho. “Drakone ya phusalatsa metsi molomong wa yona,” kgaolo ya 17, “mme ya lwana le masalla,” morwetsana ya robetseng. E seng... Kereke ya nnete e se e tsamaile. E se e

le Selallong sa Lenyalo bakeng sa tsena, lekgathe la nako moo selallo sa Lenyalo se tla be se tsweletse, veke ya ho qetela. Mme ke mohla Matshwenyeho a kenang, ha ditsie le dihloriso di lhahela dikereke, dintho tse kang tseo.

Ebe, qetellong, kgaolong ya 19, ke Enwa a e-tla le Monyadi wa Hae. Alleluia! “Morena wa marena, Kgosi ya dikgosi; seaparo sa Hae se innweng Mading, mme makgotla a Lehodimo a palame dipere tse tshweu, ba tla le Yena. Ke eo A etla, ho nka tulo tsa Hde bakeng sa dilemo tse sekete. Amen! Oh!

Ho bokoe Lebitso, oho, ho bokoe Lebitso,
 Ho bokoe ‘Bitso la Morena;
 Ho bokoe Lebitso, oho, ho bokoe Lebitso,
 Ho bokoe ‘Bitso la Morena.

Jesu ke Lebitso, Jesu ke Lebitso,
 Jesu ke Lebitso la Morena;
 Jesu ke Lebitso, oho, Jesu ke Lebitso
 Jesu ke Lebitso la Morena.

Hodisang ‘Bitso la Hae, oho, hodisang ‘Bitso
 la Hae,
 Oho, hodisang ‘Bitso la Morena;
 Hodisang Lebitso, oho, hodisang Lebitso,
 Hodisang Lebitso la Morena.

¹⁶¹ Le ho etsa jwang? Ka ho Le hodisa ‘phelong ba lona. Le phele bophelo bo jwaana hoo ba ka reng, “Ke eo mohlanka wa Kreste.” Ke kamoo le hodisang Lebitso. A re boneng. Oh, na ha le Mo rate? [Phutheho e re, “Amen.”—Mong.] Oh, kgidi! Thokonyana ya rona jwale:

Sejelong khale, e ho joalo,
 Lesea la tsoloa ho pholosa batho sebeng sa
 bona.

Johanne o ‘Mone lebopong, Konyana kamehla,

Konyana eo ka Ditiiso tseo tse Supileng, Yena feela Lehodimong le lefatsheng ya kgonneng ho e nka. Ka se- . . .

Sejelong khale, e ho joalo,
 Lesea la tsoalowa ho pholosa batho sebeng sa
 bona.

Johanne o ‘Mone lebopong, Konyana kamehla.
 Oho, ho bokoe ‘Bitso la Morena.

Oho, ho bokoe Lebitso, Oho, ho bokoe
 Lebitso,
 Ho bokoe Lebitso la Morena;
 Ho bokoe Lebitso, ho bokoe Lebitso,
 Ho bokoe Lebitso la Morena.

¹⁶² Ke rata ho rapela. Ha le rate? [Phutheho, “Amen.”—Mong] Jwale, ha re tle kerekeng ho utlwa thero feela; e tsamaya le

yona. Empa re tla kerekeng ho rapela, ho rapela ka Moya le ka Nnete. Le utlwile Nnete; ke Lentswe leo. Le a bona? Jwale, ho rapela, ke ho itlhalosa ho Yena ka bowena. Le a bona?

Oho, Ke Rata Monna Eo Oa Galilea! Re fe lehlaso mono. E, monghadi. O a e tseba, Teddy? Ke a lebala jwale. A re boneng. A re boneng.

Oho, ke rata Monna eo oa Galelea, oa Galelea,
Hoba o nketselitse tse ngata.

O lebetse ‘be tsa ka, a kenya Moea o
Halalelang;

Oh, ke rata, ke rata Monna eo oa Galilea.

Mo’dibe a ea rapela tempeleng tsatsi le leng,
A lla, “O Morena, nkhauhele!”

A ts’oarela ‘be ka seng, khots’e tebileng ea
kena;

A re, “Tloong, le bone Monna enoa oa
Galelea.”

Oho, ke rata Monna eo wa Galelea, oa
Galelea,

Hoba O nketselitse tse ngata.

O lebetse ‘be sohle sa ka, a kenya Moea o
Ha’lolang.

Oh, ke rata, ke rata Monna eo oa Galilea.

Lihole tsa tsamaea, limumu tsa bua.

Matla ao a buuoia ka lerato holima leoatle.

Lifofu tsa bona, e ne ka ba feela Matla a
Monna eo oa Galelea.

Oho, ke rata Monna eo oa Galelea, oa Galelea,

Hoba O nketselitse tse ngata.

O ts’oaretse ‘be sohle sa ka, a kenya Moya o
Ha’lolang.

Oh, ke rata, ke rata Monna eo oa Galelea.

Utlwang sena.

Mosadi selibeng, A ‘molella ‘be tsohle tsa hae,
Ka banna ba bahlano mohlang oo. (Ke Yena.)
A ts’oareloa ‘be ka seng, khots’e tebileng ea
kena;

Nt’o lla, “Tloong, le bone, Monna eo oa
Galilea!”

Oho, ke rata Monna eo oa Galelea, oa Galelea,
Hoba O nketselitse tse ngata.

O ts’oaretse ‘be sohle sa ka, ho kenya Moya o
Ha’lolang.

Oh, ke rata, ke rata Monna eo oa Galelea.

Ke a Mo rata. Le etsa jwalo? [Phutheho e re, “Amen.” — Mong.] Pelo yohle ya ka! Le etsa jwalo? [“Amen.”] Na ha A babatsehe? [“Amen.”]

Oh, o motle, o motle, Jesu ho nna, (Ke mang ’Ena?)

Moeletsi, Morena’ Khotso, Ke Modimo o Matla;
Oho, oa mpholosa, o mpoloka sebeng sohle le masoabing,

Moloki oa ka o motle, ho bokoe ‘Bitsos la Hae!

A re inamiseng dihlooho tsa rona mme re e nahaneng.

Ke ne ke lelera, joale ke thotsoe, ke lokolotsoe tsuong, (lichaba di a pshatleha; ha ho na’ng)

Jesu o aba tokollo le poloko e tletseng;
O a mpholosa, O mpoloka sebeng sa ka sohle le sekhabong,

Moloki oa ka o motle, ho bokoe ‘Bitsos la Hae.

Oho, motle joang, motle joang, Jesu ho nna,
Moeletsi, Morena’ Khotso, Modimo o matla ke Yena;

Wa mpholosa, o mpoloka sebeng sohle le sekhabong

Molopolli wa ka o motle, ho bokwe ‘Bitsos la Hae!

Oho, e nahaneng!

Ke ne ke lelera, joale ke thotsoe, ke lokolotsoe tsuong,

Jesu o aba tokollo le poloko e tletseng;
Oa mpholosa, (o etsa’ng?) o mpoloka sebeng sohle le sekhabong, (ho se phahamela)

Oh, Molopolli oa ka o motle, ho bokoe ‘Bitsos la Hae.

Jwale ‘moho!

Oh, o motle, o motle, Jesu ho nna,
Moeletsi, Morena’ Khotso, Ke Modimo o Matla;

Khele, oa mpholosa, o mpoloka sebeng sohle le sekhabong,

Molopolli oa ka o motle, ho bokoe ‘Bitsos la Hae.

Oho, kamoo ke ratang Jesu, (thoriso!)

Oho, kamoo ke ratang . . .

Ke thabo ha ke pholositsoe! Ke thabo ha ke emetse ho Tla ha Hae!

Oho, kamoo ke ratang Jesu,
Hoba O nthatile pele.

Jwale ka matsoho a rona a phahameng, haeba re tiile.

Nke ke ka Mo tela,
 Nke ke ka Mo tela,
 Nke ke ka Mo tela,
 Hoba O nthatile pele.

¹⁶³ Le a Mo rata? [Phutheho e re, "E." — Mong.] Jwale e ka khona le ratane. Hobane, ekare o sa rate eo o mmonang mona, o ka rata jwang Eo o eso Mimone? A re tsukutlaneng ka letsoho, re re:

Oh, kamoo ke ratang Jesu,
 Oh, kamoo ke ratang Jesu,
 Oh, kamoo ke ratang Jesu,
 Hoba O nthatile pele.
 Nke ke... (Matsoho a hao holimo ho Yena
 joale. Ke moo.) ... Mo tela,
 Nke ke ka Mo tela,
 Nke ke ka Mo tela,
 Hoba O nthatile pele.

¹⁶⁴ Nahanang feela, O re tsebisitse tshenolohadi eo. Na ha re Mo rate? [Phutheho e re, "Amen." — Mong.] Na ha A ratehe? ["Amen."] Re leboha Morena rona Jesu hakakang; ha' re tele. "Bonang, Ke na le lona kamehla, esita le ho fihlisa..." Na le natefelwa ke *Veke Tsa Danile tse Mashome A Supileng?* ["Amen."] Oh, na ha re Mo rate? E etsa jwang?

Tumelo ea ka e lelala ho Uena,
 Uena Konyana Kalvari,
 Mopholosi...

Mo rapeleng feela, ho tswa pelong tsa lona.

Nkutloe joale ha ke rapela,
 Tlosa libe tsohle tsa ka,
 Oho ho tloha kajeno
 Ke be oa Hao ka botlalo!

Ha ke tsamaea tsela e lefifi e chehiloeng lifi,
 (re etsa joalo bohle)

Le mapalesapelo a nama a ntika, (E, Morena.)
 Eba Lesupatsela la ka feela; (Ho mphetisa
 teng, Morena.)

Oho laela lefifi le fetohe letsatsi,
 Phumula masoabi a ts'abo,
 Ke se lelere
 Ke se suthe pela Hao.

[Moena Branham o qala a binela *Tumelo Ea Ka E Lelala Ho Uena* ka marameng—Mong.]

Matla pelong ea ka e tepellang,
 Totisa cheseho ea ka;
 Laela lefifi le fetohe letsatsi,
 Phumula ts'abo tsa ka tsohle,
 Oho ho tloha kajeno
 Ke be oa Hao ka botlalo!

¹⁶⁵ Oho Jesu, re bona re atamela ntho e nngwe. Moporofeta Esaia o buile ka yona; Jeremia o buile ka yona. Daniele o ile a hetla mme a bona seo ba se boletseng. Ya fuduwa pelo ya hae, mme a—a lebisa sefahleho sa hae nqa Lehodimong. A itima dijo, ka masela a mahwashe le melora. O ne a batlile ho utlwa, a tle a hlokomedise batho.

¹⁶⁶ Morena, re bona ka Dibuka, le rona, Buka ya Hao, Buka ya Esaia, Buka ya Jeremia, Buka ya James, Johanne, Luka, Mareka, Mattheu, Buka ya Ditshenolo, Dibuka tsohle tsa Hao, hore re atametse qetelo. Mme re lebisitse sefahleho sa rona nqa Lehodimong, thapelong, mefehelo, ho fumana moo re phelang, Morena. Re qala re bona mafube a hlahla. Mme, Morena, re tla ho Wena. Tumelo tsa rona di sheba ho Wena joale. Re beella ka thoko boima ka bong, sebe ka seng, ho se dumele ho hong le ho hong ho ho nyenyane ho ka re tshwasang ha bonolo, re hahamalla pheong eo re e bileditsweng hodimo, ka tsebo ya hore nako ya rona e lekantsoe.

¹⁶⁷ Hlohonolofatsa batho bana ka mona, Morena. Ba O rata. Ke ba Hao. Ba tswile. Ke Wena ya senolang. Re O rapela ho re abela dintho tsena re sa O emetse.

¹⁶⁸ Re fe thapama e ntile ya ho badisisa, Modimo. Re fe kutlwisiso. Re kgutlise bosiusa bona hape, re ntjhafetse. Morena, ntolotse thapameng ena, oho, ke sa bala, Morena, bakeng sa morero ona wa ketelo ya Gabariele oa mekgahlelo e tshelela. Haeba Gabariele a tlide ho eta le ho fana ka moelego wa mekgahlelo e tsheletseng, Morena, re tshwanetse ho tseba hoo. Re bala ka Dibuka mme rea tseba hoba re haufi. Ka baka leo re rapela hore O tle o re senolele yona phirimaneng ena.

¹⁶⁹ Sontaha se hlahlamang, Morena, Oho Modimo, kenya matsatsi ao kahare ka mono. Ha ke tsebe jwang, empa O ka re fihlisa hantle nakong. Fana ka sena, Ntate. Re shebile ho Wena. Re a ratana mme Madi a Jesu Kreste, Mora Modimo, A re hlatswitse sebeng sohle. Re shebile ho Wena jwale. Re thusen re sa O emela, Ntate, ka Jesu Morena wa rona.



Dikeletso Tsa Gabariele Ho Daniele
(Gabriel's Instructions To Daniel)
Phupu 30, 1961, Sontaha hoseng
Nomoro ya teipi 61-0730M

Morero Wa Mekgahlelo E Tsheletseng Wa Ketelo Ya Gabariele Ho Daniele
(The Sixfold Purpose Of Gabriel's Visit To Daniel)
Phupu 30, 1961, Sontaha mantsiboya
Nomoro ya teipi 61-0730E

Veke Ea Mashome A Supileng Ea Daniele
(The Seventieth Week Of Daniel)
Phato 6, 1961, Sontaha hoseng
Nomoro ya teipi 61-0806

Melaetsa ena ka Moena William Marrion Branham e rerilwe qalong ka Senyesemane Tabernakeleng ya Branham e Jeffersonville, Indiana, Amerika. Ka mora ho fumana diteipi tse hlakileng le tse phethahetseng tsa ho qala, Buka ena ya Lentswe Le Builweng ya *Diveke Tse Mashome A Supileng Tsa Daniele* e ile ya hlophiswa botjha ho latela sebopheho sa jwale. Boikgathatso ka bong bo entswe ho fetisetsa ka tsepamo Melaetsa e rerilweng ho tloha dikgatisong tsa teipi ya makenete ho fetela leqepheng le tlantsweng, mme e tlantswe mona e sa kgutsufatswa le ho abjwa ke ba ha Voice Of God Recordings.

E phatlaladitswe ka Sesotho sa Borwa ka 2001.

©2001 VGR, ALL RIGHTS RESERVED

VOICE OF GOD RECORDINGS
P.O. Box 950, Jeffersonville, Indiana 47131 U.S.A.

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org